

地理部

地泰山華山嵩山衡山恒山衆山石假山附海

潮江淮河山濟洛渭涇漢沔附湖衆水水神水注附

風濤之險泉瀑布附湯泉陂渠

事文叢集

知
160
4



160
4

東京書局
學校圖書

利
268
4

新編古今事文類聚前集卷之十三

建安 祝穆 和父 編

金陵 唐富春 子和 刊

地道部

地

羣書要語地者易也言養物懷任交易變化含吐應節故其立
字主力於之者為地春秋元苞命苞地者濁陰也素問至哉坤元萬物資
生含弘光大品物咸亨坤卦至順上地得一以寧老子今夫地一
撮土之多及其廣厚載華岳而不重振河海而不洩萬物載焉
庸中元命苞天左旋地右動元命苞地常動而不止譬如人在舟中閉牖而

坐舟行而人不知河地若浮舟方如碁局揚炯渾圓天為蓋方
地為輿宋玉大奈何以彈丸地而困太平之民哉高適彈丸黑
誌之地趙普地之別名九地一為沙泥二澤浼三征雀四下田
五中田六上田七下山八中山九上山楊子太四極東至于泰
遠西至于邠國南至于濮鈇北至于祝栗爾雅淮南子曰天有八
部九紀地有九州八柱按河圖括地象云崑崙山為柱氣上通
天崑崙者地之中也地下有八柱柱廣十萬里有三千六百軸
互相牽制名山大川孔穴相通九州之外有八埏按淮南子
東方曰沙海東南方曰沅澤南方曰丹澤西南方曰水澤西方
曰泉澤西北方曰海澤北方曰塞澤東北方曰通澤此八埏也
八埏之外有八絃按淮南子東北方之絃曰荒土東方之絃

曰桑野東南方之絃曰象安南方之絃曰及戶西南方之絃曰
炎土西方之絃曰沃野西北方之絃曰沙所北方之絃曰委羽
八絃之外有八極按淮南子東北方曰方土之山曰蒼門東
方曰東極之山曰開明門東南方曰波海之山曰陽門南方曰
南極之山曰暑門西南方曰編駒之山曰白門西方曰西極之
山曰閭闔之門西北方曰不周之山曰幽都門北方曰北極之
山曰寒門嵩泰衡華恒謂之五嶽江河淮濟謂之四瀆上中
下謂之三壤山林川澤丘陵墳衍原隰謂之五土纂要
地神之名地者其卦曰坤其神曰祇亦曰媪大而名之曰皇地
祇小而名之曰神州亦名后土物理論

古今事實

事文類聚前集

卷之十三

二

鑿渾沌氏

儵與忽時相遇於渾沌之地。渾沌待之甚善。儵與忽謀報渾沌氏之德。曰：人皆有七竅，此獨無有。嘗試鑿之。鑿七日而渾沌死。應帝王篇 蒙叟遺意曰：上帝既剖渾沌氏以支節為山嶽，以腸胃為江河，一旦慮其掀然而興，則下無生類矣。於是孕銅於山澤，淬魚鹽於江河，俾後人攻取，將有以苦渾沌之靈而致其不起也。嗚呼！渾沌氏則不起，而人力殫焉。羅隱

斷鰲立極

女媧氏斷鰲足以立四極。列子

柱折維絕

共工氏與顓頊爭為帝，怒而觸不周之山，天柱折，地維絕。故天

傾西北，日月星辰就焉。地不滿東南，故百川水潦歸焉。列子 康

回憲怒地何故以東南傾。楚詞 康 向 共 工 各 非 堯 時 共 六 工

章亥步極

禹使大章步自東極至于西極，一億三萬三千五百里七十五步。使豎亥步自北極至于南極，一億三萬三千五百里七十五步。淮南子 又云：四海之內，東西二萬八千里，南北二萬六千里。

注子午為經，卯酉為緯，言經短緯長也。

八駿周遊

周穆王立時年五十，立五十四年，少好神仙，常欲使車轍馬跡徧於天下，以傲黃帝。馬乃乘八駿之馬，奔戎為右，造父為御，又觴西王母於瑤池之上。王母謠曰：白雲在天道里，悠遠山川間。

之將子無死尚能復來祭父自鄭國來謁諫王以徐偃亂王乃
反國宗社復安 大平廣記

北地寒

鄒衍在燕燕有谷地美而寒不生五穀鄒子居之吹律而溫氣
至 公名寒谷 劉向別錄

南地暖

嶺南無雪忽大雪踰嶺被南中數州犬皆蒼皇狂走累日至無
雪乃已 柳子厚書

縮地脉

費長房遇壺公有神術能縮地脉千里聚在目前放之復如舊
神仙傳

金甌無缺

梁武初議納侯景而未决夜出視事至武德間猶言我國家猶
若金甌無一傷缺今使受地詎是所宜

地震草搖

元和七年八月京師地震草樹皆搖 唐五行志

古今文集

雜著

地誌圖序

呂溫

廣陵李該博達之士也學無不通尤好地理患其書多門歷世
寢廣文詞浩蕩學者疲老由是以獨見之創法先聖之制黜諸
子之傳記述仲尼之職方會源流考同異務該暢從體要縝然

勒成一家之說猶懼其與未足以昭啓後生乃裂素爲方儀據書而畫隨方面以區別擬形容而訓解命之曰地志圖觀其紛散百川黛疑群山元氣剖判成乎筆端任土之毛有生之類太鈞變化不出其意然後列以城郭羅于陬落內自五侯九伯外暨要荒蠻貊禹跡之所窮漢驛之所通五色相宣萬邦錯峙毫釐之差而下正乎封畧方寸之界而上當乎分野乾象坤勢炳然可觀與夫聚米擬其端倪畫地陳乎棟檠固不可同年而語其詳畧也每虛室燕居薄帷晴寒普夫之下盡在屋壁戶納四海窻籠八極名山大川隨顧奔走殊方絕域舉意而到高視華裔坐橫古今觀帝王之疆理見宇宙之寥廓出退入幽曾不崇朝與夫役形神於歲月窮轍迹於區外又不可並軌而論勞逸

也且夫刪百代之弊綜群言之首繁而不亂疎而不漏才識以潤之丹青以炳之使嗜學之徒未披文而見義不由戶而觀奧斯訓導之明也窮地而述舉世而載事極鴻纖理通皦昧混一家之文軌張大國之襟帶敷人物之虛實總山川之要會表皇威之有截明王道之無外斯乃功用之大也見蒼梧塗山則思舜禹卹民之艱觀窮荒大漠則悟秦漢勞師之弊覽齊墟晉壤則想桓文勤王之霸觀洞庭荆門則知苗蜀恃險之敗王者於是明乎得失諸侯於是鑒乎興替斯人懲勸之遠也然則本之所以廣巨流申之足以贊鴻業垂之可以示後世豈徒由近觀遠以智自樂爲室中之一物哉而時無知音道不虛行舉地成圖聞天無路此志士儒林所以爲之歎息也某久從君遊辱命

序述庶明作者之意裨好事君子知其所以然

漢輿地圖序

呂伯恭

輿地之有圖古也自成周太司徒掌天下土地之圖以周知廣輪之數而職方氏之圖復加詳焉迨漢滅秦蕭何先收其圖書始具知天下阨塞戶口多少之差然則尚矣武帝元狩六年將立三子爲王御史大夫奏輿地圖請所立國名乃開齊燕廣陵之封輿地圖之名至是始見史遷之所載可考也光武皇帝之狗河北鄧禹杖策而從之說以大策有天下不足定之語其後帝登城樓披輿地圖指示禹曰天下郡國如是今乃得其三子前言天下不足定何也禹復申其說蓋光武志在天下當神州赤縣未及經畧之際其君臣更相激厲如此故能兼制六合司

空之所掌無寸地尺天不歸於封域按圖分封並建諸子以爲番屏嗚呼盛哉用敢紬繹其意而爲之序曰自古合天下於一者必以撥亂之志爲主志之所向可以排山岳倒江海開金石一念之烈無能禦之昔光武之在河北崎嶇於封豕長蛇之間瞑目裂眚更相長雄積甲成山積血成川積氣成雲積聲成雷九流渾淆三綱反易雖十家之市無寧居者則光武何所持哉亦恃其撥亂之志而已光武之志以皇天全付所覆於我有漢今乃瓜分幅裂淪於盜賊此子孫之責也責之所在雖有登夫之難不敢辭雖有暴虎之危不敢避雖有蹈風火之厄不敢回奮然直前以償吾祖宗之所付必使吾祖宗之舊物咸復其初然後吾責始塞焉此志一立故雖處一郡之地如視天下之廣

慷慨憤懣氣干雲霄撥亂之志蓋肇于此矣方其志之未立則一郡至小而群盜之地奚翅十倍吾衆至少而群賊之兵奚翅十倍恢復之功猶捕風擊影若不可期者及既有其志則規模先定幾謀先立兆之於前而必之於後若青若齊若隴若蜀若楚若越皆吾志中之一物也若盆子若王昌若貴器若述若步若豐皆吾志中之臣僕也彼方繕寨置柵而不知吾已破之於堂上彼方峩冠被袞而不知吾已縛之於胸中是以論光武克復郡縣之蹟則有難易焉有先後焉若夫光武恢復之志則一披輿圖而三萬里之幅員皆入於靈府豈嘗得一邑而始思得一州得一州而始思得一部大矣光武之志也斯其所以祀漢配天不失舊物歟厥後建武二十二年匈奴右賢韃日逐王比遣

使奉匈奴地圖二十四年北款五原塞願爲藩蔽廼立之爲南單于俾預藩臣之列是知光武有一天下之志非特輿地圖之所紀皆爲臣妾而匈奴地圖之所紀亦爲臣妾焉則志也者其撥亂濟世之樞極歟故述之以告來者

古詩

地動聯句

蘇叔才子美

太荒孟冬月叔才未旬高春時日腹昏盲俵子美風口鳴嗚咿
萬雲因陰戚叔才百植嗟陽衰濃寒有勝氣子美天凍無敗期
六指忽搖拽叔才群蹠初奔馳九銅落蟾吻子美始異張渾儀
列宿犯天紀叔才預驗漢志辭民臺取鼓舞子美禁堞強崩離
坐駭市聲死叔才立怖人足跡坦途重車債子美急傳壯馬歌
陵阜動撫手叔才礫塊當揚箕停汚有亂浪子美僵木無靜枝

衆啄不暇息叔才 脊嶂驚欲飛 踊塔撼鐸碎子美 安流蕩舟疲
倒壺喪午漏叔才 奠奠駭眠鴟 居人眩眸子子美 行客勞觸兒
南北頓儵忽叔才 西東播戎夷 四鎮一毛重子美 百川寸沙微
斗數不知大叔才 軒輕主者誰 共土豈復愁子美 富媪安得爲
寧無折軸患叔才 頓易崩山悲 衆蟄不安土子美 群毛難鹿皮
驚者去靡所叔才 仆或如見擠 轟雷下簷瓦子美 决萬傾倉粟
雙顛太室虬叔才 四躍宸庭螭 萬宇變旋室子美 百城如轉機
念此太留患叔才 必由政瑕疵 勝社勇欺氣子美 孤陽病其威
傳是下乘上叔才 亦曰尊屈卑 夫惟至靜者子美 猶不可保之
况乃易動物叔才 何以能自持 高者恐顛墜子美 下者當鎮紱
天戒豈得慢叔才 肉食宜自思 變省孽可息子美 損降禍可違

願進小臣語叔才 兼爲丹宸規 偉哉聰明主子美 勿遺動地詩

泰山

羣書要語 泰山五岳之東岳也初學記 歲二月東巡狩至于東
嶽注 泰山舜典 泰山一曰天孫言爲天帝孫也 王召人魂魄東
方萬物始成故知人生命之長短博物志 名祇崇王者受命
易姓報功告成必於岱宗也 東方萬物始交代之處宗長也言
爲群岳之長五經通義 泰山岩岩魯邦所瞻詩 曷爲祭泰山河
海山川有能潤乎百里者 天子秩而祭之公羊傳 觸石而出層
寸而合不崇朝而徧天下者 惟泰山之雲也公羊傳 泰山其頽

乎孔子歌泰山若礪漢功臣哲泰山盤道屈曲而上凡五十餘盤經小夫門大夫門西岩為仙人石門東岩為介丘東南岩名日觀黃河去泰山二百餘里祠所望黃河如帶漢官儀及泰山記

古今事實

帝王封禪

禹封泰山禪會稽周成王封泰山禪社首秦始皇封泰山禪梁甫王者受命必封禪封者增高也禪者增厚也禪除地為壇字本為禪以其祭神故從皆刻石紀號著已之功績社首梁甫皆小山白虎通

孔登泰山

孔子登泰山而小天下孟子

秦大夫松

秦始皇上泰山風雨暴至休於樹下因封其樹應劭曰得五松封為五大夫

漢時種稻

泰山南有廟悉種稻千株大者十五六圍相傳漢武所種泰山記

古今文集

雜著

漢封禪記

應劭漢官儀載馬第伯封禪儀記正紀建武封禪事每稱天子為國家其叙山勢峭險登陟勞困之狀極工予喜誦之其畧云是朝上山騎行往往道峻稍下騎步牽馬乍步乍騎且相半至中觀留馬仰望天關如從谷底仰觀抗峯其為高也如視浮雲

其峻也石壁宵篠如無道逕遙望其人端如行朽尤或為白石
 或如雪父之白者移過樹乃知是人也殊不可止四布僵卧石
 上亦賴齋酒脯處處有泉水復勉強相將行到天關自以已至
 也問道中人言尚十餘里其道傍山脊仰視岩石松樹鬱鬱蒼
 蒼若在雲中俛視谿谷碌碌不可見丈尺直上七里賴其羊腸
 逶迤名曰環道往往有組索可得而登也兩從者扶挾前人相
 牽後人見前人履底前人見後人頂如畫初上此道行十餘步
 一休稍疲咽唇焦五六步一休牒牒據頓地不避燥濕前有燥
 地目視而兩脚不通又云封畢詔百官以次下國家隨後道迫
 少步從匍匐邪上起炬火止亦駱驛步從觸擊大石石聲正謹
 但驩石無相應和者腸不能已口不能默明日大醫令問起居

國家云昨上下山欲行迫前人欲休則後人所踴道峻危險國
 家不勞又云東山名曰日觀雞一鳴時見日欲出三丈所秦觀
 者望見長安兵觀者望見會稽周觀者望見齊凡記文之工悉
 如此而未嘗見稱於昔賢秦吳周二觀亦無曾用之者今應劭
 書脫畧惟劉昭補注東漢志僅有之亦非全篇也 容齋隨筆

泰山紀行

客有云昔罷兗曹與二三友祠岱岳因登絕頂行四十里宿野
 人之廬前有藥竈地多鬼箭天麻玄參之類將五鼓初各杖策
 而東僅二十里至大平頂叢木中有真宗東封壇遺址擁褐
 而坐以伺日出久之星斗漸稀東望如平地天際已明其下則
 暗又久之明處有山數峯如卧牛車蓋之狀星斗盡不見其下

尚暗初意日當自明處出又久之自大暗中日輪湧出正紅色騰起數十丈半至明處却半有光全至明處却全有光其下亦尚暗日漸高辨色度五鼓三四點也經直廟帳宿之地石上方柱窠甚多又經龍口泉大石有罅如龍哆其口水自中出又經天門十八盤壠尤秀聳北眺青齊諸山可指數信天下之偉觀也聞見錄

古詩

望嶽

杜甫

岱宗夫如何齊魯青未了造化鍾神秀陰陽割昏曉盪胸生層雲决眦入飛鳥會當凌絕頂一覽衆山小

遊泰山

李白

四月上泰山石平御道開六龍過萬壑澗谷隨縈迴馬跡遠碧峯干今蒲青苔飛流灑絕巘水色松聲哀北眺巒嶺奇傾崖向東摧洞門閉石扇地底興雲雷登高望蓬瀛想象金錄臺天門一長嘯萬里清風來玉女四五人飄飄下九垓含笑引素手遺我流霞盃稽首再拜之自愧非仙才曠然小宇宙棄世何攸哉

遊泰山

李白

平明登日觀舉手開雲關精神四飛揚如出天地間黃河從西來窈窕入遠山憑崖覽八極目盡長空閑偶然值青童綠髮盈雲鬢笑我晚學仙蹉跎凋朱顏躊躇忽不見浩蕩艱追攀

華山

羣書要語華山為西嶽爾雅豫州其山鎮曰華山職方氏至于
大華書山頂有池生千葉蓮花服之羽化因曰華山華山記踐
華為城過秦論歸馬華山之陽武城大華之山削成而四方其
高五千仞其廣千里西山記

古今事實

華山之神

秦始皇二十六年鄭客從關東來至華陰望見素甲白馬從山
上下知其非人道左止而待之遂持璧與鄭客曰為我遺鑄池
明年祖龍死

山中毛女

毛女在華陰山中。山客獵師世世見之體生毛自言秦始皇宮

人列仙傳

公超霧市

張楷字公超能為五里霧所居成市後華山南有公超霧市

王猛隱君

見風門

子先騎龍

呼子先者漢中關下卜師壽百餘歲臨去呼酒家姬令急裝便
有仙人持一茅狗來至子先持一與酒姬因各騎之乃龍也上
華陰山常於山大呼言子先酒母在此列仙傳

登落鴈峯

李白登華山落鴈峯曰此山最高呼吸之氣想通帝坐矣恨不
携謝朓驚人詩來搔首問青天耳搔首集

希夷隱居

陳搏隱武當山後居華州雲臺觀

古今文集

雜著

西嶽太華山碑銘并序

玄宗御製張詠撰

天有四序。星辰辨其分地。有五方。山嶽鎮其域。陰陽交暢。則品物形矣。精氣相射。則神祇著矣。西嶽太華山者。當少陰用事。萬物生華。故曰華山。踞中土。西偏。當七宮。正位是稱。西嶽披圖。以察創成。而四方信焉。立表以筭其高。五千仞。明焉。石壁磔。而雄竦。衆山奔走。而傾附。其氣肅其威振。其行配金。其辰直酉。前對華陽之國。後壓華陰之郡。左抱桃林之塞。右產藍玉之田。諒

少昊之下都。即蓐收之別館也。軒帝遊焉。以會衆神。虞帝柴焉。以觀羣后。爰自夏氏。迄于隋室。朝廷五姓。載歷三十。祀典相因。舊章未改。壇場廟宇。何代不脩。一禱三祠。無歲而缺。所以報生殖事。靈神不有怠也。故亦祥休。明災淫。愚未嘗爽也。皇天眷佑。馨我烈祖。奄有萬方。逮乎六葉。郊天地。望山川。精意必達。墜典咸甄。亦命州將。四時告虔。加視王秩。進號金天。若是何者。抑有由焉。予小子之生也。歲景戌月。仲秋。曆少昊之盛德。叶太華之本命。故常寤寐。靈嶽。聆響。神文玉帛。未陳。幽贊必先。意而啓。椒醑雖薄。景福果應。期而集。玄感昭。賽可。二而道耶。記云。下有方士真人。金鼎石室。上有明星玉女。仙草瑤池。茅龍一去。毛女千祀。前代帝王。多所僥覲。朕學義文之道。故非斯人之徒。憂在

至道之不行不憂富貴之無求患在蒼生之不理不患年壽之
若流以功施四海為長生以業傳百代為不死焉羨置集靈之
宮虛望非福立存心之殿勞思輕舉者或於戲維岳配天尚勤
予志予欲大康非人岳異予欲定禮樂諸神人岳聽予思其維
岳降神生此多士無御申甫專羨于嵩語酌古訓心通神境善
而不吝誠而不應未之公也岳其念哉十有二載孟冬之月步
自京邑幸于洛師停銮廟下清眺仙掌雲拂石牀霓裳可接風
過松嶺仙駕如聞又勤報德之願未暇封崇之禮遲迴刻石標
槃名山萬姓瞻予言可復也銘曰
嶮嶮太華 柱天直上 青崖白谷 仰見靈掌 雄峯峻削
齒齒森爽 是曰靈嶽 衆山之長 白帝西下 黃河北來

陰陽孕育 精氣徘徊 偶聖呈瑞 逢昏降災 玉池神挹
石室僊開 海絕瀛洲 天遙玄圃 偉哉此鎮 崢嶸中土
鬼神乍遊 風雲忽聚 高標赫日 平壁飛雨 自古王者
巡方必至 龍駕帝服 對天禪地 南南會神 西后在位
待予治國安人 然後徐思其事

太華仙掌辯

王涯

西嶽太華之首峯有五崖北壑破岩而列自下遠而望之偶為
掌形舊俗土記之傳者皆曰昔河自積石出而西流既越龍門
遂弭南馳者千數百里折波左旋將走東溟連山塞之壅不得
去有巨靈於此力劈而剖其中路而北者為首陽絕而南者為
太華河自此洩茫洋下馳故其掌跡猶存巨靈之跡也余聞惑

之乃往觀曰誕哉此說乎夫所謂神者非人也其動無聲其行無跡若形而無象若氣而無色拔山剖澤而不見其作鼓風奔水而不見其力視不可察名不能及故推而謂之神烏有神之作力而有入跡乎神所以為神者有作而無恃一成而不易烏有始塞而復達之始連而復絕之始不知終是不為神矣且山谷之作此形何則不有危陷相薄高深相敵乃有銳而出者為虎牙尖而背者為熊耳角而巘者為羊首冠而峭者為雞頭必以形之類形而必加說則雖牛熊虎之象其亦有作乎余嘗覽張平子賦西京至巨靈高掌厥跡猶存之皤以為該聞精達以是惑使不語惟神之旨何所述明暨觀其形而咨之果謬而無據也將假文神事以飾其詞歟為思而有闕歟因辯其由而述

之以告山下

登華首

沈頰

嘗讀李肇國史譜云韓文公登華嶽之巔顧視其險絕恐慄度不可下乃發狂慟哭而欲絕遺書為訣且譏好奇之過也如是沈子曰吁是不論文公之旨耶夫仲尼之悲麟悲不在麟也畢翳之泣絲泣不在絲也且阮籍縱車於途窮輒動豈始慮不至耶蓋假事諷時致意於此爾前賢後賢道豈相遠文公憤趣榮貪位者之若涉懸崖險不能止俾至身危踣蹶然後嘆不知稅駕之所焉可及矣悲夫文公之旨微沈子幾晦乎

辨登華首

李肇國史補載韓愈遊華山窮極幽險心悸目眩不能下發狂

號哭投書與家人別華陰令百計取之方能下沈顏作整書以
為肇妄載豈有賢者輕命如此余觀退之贈張籍詩云洛邑得
休告華山窮絕陁倚岩眺海浪引袖拂天星日駕此回轄金神
所司刑泉紳拖脣白石劔攢高青磴躡梯颺飈伶俚俛悔
狂已咋齒垂誠仍鑽銘則知肇記為信然沈顏為妄辨也隱居詩話

古詩

華岳

王維

西岳出浮雲積翠在大清連天疑黛色百里遙青冥白白為太
寒森沉華陰城昔聞乾坤開變化生巨靈右足踏方山左手推
削成天地忽開拆大河注東溟遂為西岳崎嶇鎮秦京太君
包覆載至德被群生上帝佇昭告金天思奉迎人祇望幸義何

獨禪云亭

古意

韓愈

大華峯頭玉井蓮開花十丈藕如船冷比雪霜其比蜜一片又
石沉痾痊我欲求之不憚遠青壁無路難窮緣安得長梯上摘
實下種七澤根株連三

華山歌

劉禹錫

洪鍾作高山天氣鼓其囊俄然神功就峻拔在冥廓靈蹤露持
爪殺氣見稜角凡木不敢生神仙事來託天資帝王宅以我為
關鑰能令下國人一見換神骨高山固無限如此方為嶽丈夫
無特達雖貴猶碌碌

望岳

杜甫

西岳峻嶒竦處尊，諸峯羅列似兒孫。安得仙人九節杖，拄到玉女洗頭盆。重箱入谷無歸路，箭括通天有一門。稍待秋風凉冷後，高弄白帝問真源。

西嶽雲臺歌送丹丘子

李白

西岳崢嶸何壯哉，黃河如絲天際來。黃河萬里觸山動，盤渦谷轉秦地雷。燦光休氣紛五彩，千年一清聖人在。巨靈咆哮擘兩山，洪波噴流射東海。三峯却立如欲摧，翠崖丹谷高掌開。白帝金精運元氣，石作蓮花雲作臺。閉道窈窕人不到，中有不死丹丘生。明星玉女備洒掃，麻姑搔背指爪輕。我皇手把天地戶，丹丘談天與天語。九重出入生光辉，東海蓬萊復西歸。玉漿儻惠故人飲，身騎紫龍上天飛。

盧從出西岳

沈佺期

西嶽何嘗崇壯哉，信靈造諸嶺皆峻秀。中峯特羨好，傍見石掌存勢如拓。東倒頗聞首陽山，云拆北河道磅礴。壓洪源，泉其壯清。昊雲泉紛亂瀑，天磴屹橫抱。子先呼其巔，宮女世不老。下有府君廟，歷載傳酒掃。皇明應天遊，十月戒豐鑄。微末忝閑從，兼得事蘋藻。宿心愛茲山，意欲拾靈草。陰壑已永閉，雲竇絕探討。芳月期再來，迴策思方浩。

遊華山雲臺觀見道觀門

嵩山

羣書要語嵩山者五岳之中岳也。初李記嵩字或作松山大

而高曰崧釋名中央之岳獨加高字者何中央居四方之中而高故曰崧山白虎通其山三十六峯東曰太室西曰少室相去十七里嵩其摠名也謂之室者以其下各有石室焉少室高八百六十丈方十里與太室相將但小耳王元之西征記

古今事實

許由隱居

東龍門之南有許由山高丈四絕其北有潁水堯聘許由其處猶有壇墀道書

嵩神生賢

嵩高維嶽峻極于天維嶽降神生甫及申維申及甫維周之翰詩

緱山笙鶴

昔周靈王太子晉好吹笙作鳳鳴遊伊洛間道士浮丘公接上嵩山三千餘年往來緱氏山近在嵩山之西也其後見桓良曰告我家七月七日待我緱氏山頭果乘白鶴往山頭望之不得到舉手謝時人而去道書

嵩呼萬歲

漢武帝詔曰朕用事華山至于中岳獲駿鹿見夏后啓母石翠日登崇嵩御史乘屬在廟旁吏卒咸聞呼萬歲者三登禮罔不答其令祠官加贈太室祠禁無伐其草木巨山下戶三百戶為之奉邑名曰崇嵩

隱少室山

李渤隱少室山以石拾遺召謝不起韓愈遺書曰朝廷士引領
東望若景星鳳凰爭先覩之爲快

誤墜大穴

嵩高山北有大穴莫測其深百姓歲時每遊觀其上晉初嘗有
一人誤墮穴中同輩冀其儻不死投食於穴中墜者得之爲尋
穴而行計可十許且忽曠然見明又有草屋中有二人對坐圍
碁局下有一杯白飲墜者告以饑渴碁者曰可飲此墜者飲之
氣力十倍半年許乃出自蜀中歸洛下問張華華曰此仙館所
飲者玉漿也所食者龍穴石髓也 劉義慶世說

嵩山紀行

司馬公居洛嘗同范景仁過韓城抵登封懸峻極下院登高頂

入崇福宮會善寺由轅轅道至龍門遊廣愛奉先諸寺上華嚴
閣千佛岩尋真公堂渡潛溪入廣化寺觀唐郭汾陽鉄像涉伊
水至香山皇龕觀石樓臨八節灘過白公影堂凡所經從多有
詩公不喜有輿山中亦乘馬路險策杖以行故嵩山題字曰登
山有道徐行則不困措足於平穩之地則不跌其旨遠矣 聞見錄

古今文集

雜著

跋韓退之嵩山題名

歐陽永叔

右韓退之題名二皆在洛陽其一在嵩山天封宮石柱上刻之
記龍潭遇雷事天聖中余爲西京晉守推官與梅聖俞遊嵩山
入天封宮徘徊柱下而去遂登山頂至武后封禪處有石記戒

人遊龍潭者，毋語笑，以顯神龍。龍怒則有雷，怒因念退之。記遇
雷意，其有所誠也。其一在福先寺塔下，當時所見黑跡，不知其
後何人模刻于石也。

古詩

贈嵩山焦鍊師詩并序

李白

嵩山有神人焦鍊師者，不知何許婦人也。又云生於齊梁時，其
年貌可稱五六十，常胎息絕穀，居無室廬，遊行若飛，倏忽萬里。
世或傳其入東海，登蓬萊，竟亦不能測其往也。余訪道少室，盡
登三十六峯，聞風有寄酒翰，遙贈云：
二室寄碧天，二花明綠烟。中有蓬萊客，宛疑麻姑仙。道在喧莫
染，跡高想已遷。時食金蟻，藥屢讀青苔篇。八極恣遠遊，九垓長

周旋下瓢酌，頽水舞鶴來。山川遂歸空，山上獨倚秋霞眠。羅月
掛朝鏡，松風鳴夜弦。潛光隱嵩丘，鍊魄棲霞嶂。霓裳何歲舞，羽
駕轉綿邈。願同西王母，下顧東方朔。紫書儻可傳，銘骨誓相學。

元丹丘歌

李白

元丹丘愛神仙，朝飲頽川之清流。暮還嵩岑之紫煙，三十六峯
長周旋。長周旋躡星虹，身騎飛龍耳生風。橫河跨海與天通，我
知爾遊心無窮。

嵩山天門歌

宋之問

登天門兮坐盤石之磷磷，前澹澹兮未乎下漠漠兮無垠。紛窈
窕兮岩倚披以鵬翅，洞膠葛兮峯稜層以龍鱗。松移岫轉左交
而右易，風生雲起出鬼而入神。吾亦不知其靈惟如此，願遊者

冥兮見羽人重曰。天門兮穹崇。迴合兮攢聚。松萬接兮柱日。石千尋兮倚空。晚陰兮足風。夕陽兮絕紅。試一望兮奪魄。况衆妙之無窮。

衡山

羣書要語。荊州之鎮曰衡山。周禮一名岫峻。山海經。至于南岳。

注衡山。舜典。衡山南岳也。至聖帝乃以瀟霍二山為副。衡山記。

霍山為南岳。蓋因其制也。至漢武帝南巡。特以衡山遐遠。阻江。乃徙南岳之祭於瀟山。亦雅壽之駢邑。曰霍山。皮日休序。衡山南岳者。朱陵之靈臺。太虛之寶洞。赤帝館其嶺。祝融宅其陽。大帖。衡山有二峯。一曰紫蓋。每見有双白鶴回翔其上。一曰石鼓。

下有石室。三曰芙蓉。上有泉水飛流如練帶。同上。五岳於中州。

衡山最遠南方之山。巍然高而大者。以百數。獨衡山為宗。最遠而獨為宗。其神必靈。韓序公之精誠。能開衡山之雲。昌黎廟碑。

衡山有二峯。極秀一峯。名芙蓉。峯最為竦傑。自非清靈之朝。不可望見。峯上有泉飛派如一幅。綃分映青林。直注山下。盛弘之。荆州記。

衡山九疑。沉湘千里。九向九背。乃不復見。湖中記。

古今事實

禹巡衡山。禹傷父功不成。乃巡衡山。血馬以祭之。仰天而嘯。忽夢男子自稱玄夷。蒼水使者。謂禹曰。欲得我山神書者。齋焉。禹乃退齋三日。遂獲金簡玉字之書。得治水之要。刻石山之高處。吳越春秋。

採藥忘返

劉璘之好遊山澤採藥至衡山深入忘返見有一澗水水南有二石圜一開一閉水深不得過減榮緒晉書

遇數少年

湘東姚祖太元中為郡吏經衡山望山下數少年並執筆作書祖謂行旅休息乃過之未至百步少年相與飛颺遺一紙書在坐處前數句古詩字字皆鳥迹刘敬異苑

杜遊岳祠

杜甫大曆中出瞿唐下江陵泝沅湘以登衡山因客來陽游岳祠

李泌隱居

李泌畏禍願隱衡山詔給三品祿賜隱士服為置室廬

古今文集

古詩

巖下

謝靈運

衡山採藥人路迷粮亦絕遇息岩下坐正見相對說一老四五少仙隱不可別其書非世教其火必賢哲

望嶽

杜甫

南嶽配朱鳥秩禮自百王歛吸領地靈鴻洞半炎方邦家用祀典在德非馨香巡狩何寂寞有虞公則亡洎五岳盛世網行邁越瀟湘滑日絕壁出漾舟清光旁祝融五峯尊峯峯次低昂紫蓋獨不朝爭長業相望恭聞魏夫人群仙夾翱翔有時五雲氣散

風如飛霜牽迫限，脩途未暇杖崇岡。歸來覬命駕，沐浴休玉堂。
三歎問府主，曷以替我皇。牲璧忍衰俗，神其思洋洋。

謁衡嶽廟遂宿嶽寺題門樓

韓愈

五嶽祭秩比三公，四方環鎮嵩當中。火維地荒足妖恠，天假神
柄專其雄。噴雲泄霧截半腹，雖有絕頂誰能窮。我來正逢秋用
節，陰氣晦昧無清風。潛心默禱若有應，豈非正直能感通。滄更
靜，掃衆峯出，仰見突兀撐穹空。紫蓋連延接天柱，石廩騰擲堆
祝融。森然魄動下馬拜，松柏一迳趨虛空。粉墻丹柱動光彩，鬼
物圖書填青紅。升階偃俛薦脯酒，欲以奠薦明其衷。廟令老人
識神意，睢眦偵伺能鞠躬。手持杯棬道我擲，云此最奇餘難同。
竄逐蠻荒幸不死，衣食纒足長終侯。王將相望久絕，神縱欲

福難為功，夜投禱寺上高閣。星月揜映雲朦朧，猿鳴鍾動不知
曙。杲杲寒日生於東。

望衡山

劉禹錫

東南倚蓋卑，維岳資柱石。前當祝融居，上拂朱鳥翮。青冥結精
氣，磅礴宣地脉。還聞膚寸陰，能致彌天澤。

霍山

曹松

七千七百七十丈，丈丈藤蘿勢入天。未必展來空似翅，不妨開
去也成蓮。月將河漢分岩轉，僧與龍蛇共窟眠。且是畫土須閣
筆，况無名畫可流傳。

响嶼山

韓愈

响嶼山尖神禹碑，字青石赤形摹奇。科斗拳身薤葉披，鸞鳳

泊擊虎螭事嚴跡恠思莫窺道人獨上偶見之我來咨嗟涕漣
瀉千搜萬索何處有森森綠樹猿猴悲

自上封登祝融峯絕頂次敬夫韻 朱元晦

衡嶽千仞超祝融一峯高群山畏突兀奔走如曹逃我來雪月
中麻蕒快所遭挹天滑青壁俯擊朋銀濤所恨無十指一掣了
六鰲端歸青蓮宮坐對白玉臺重閣一倚徙霜風利如刀平生
山水心真作貨食饑明朝更清澈再往豈憚勞中宵撫世故劇
如千蝟毛嬉遊亦何益益歲月令滔滔起望東北雲茫茫然首空搔
律詩

醉下祝融峯作

朱元晦

我來萬里駕長風絕巖去層雲許盪胸濁酒三盃豪興發朗吟飛

下祝融峯

常山

羣書要語并州其山鎮曰常山職方氏常山為岳爾雅至于北

岳注常山舜典北方為常山者何陰終陽始其道久故曰常山

白虎通常山高三千九百丈上方三千丈周迴二千里五岳圖

古今事實

山藏寶符

趙簡子謂諸子曰吾藏寶符於恒山中往得者立為後諸子於
是往無所得無恤曰常山臨代代可取也簡子曰是知符矣遂
立之史記

常山之蛇

常山之蛇名曰率然。一身而兩頭。擊其一頭則一頭至。擊其中則兩頭皆至。孫子

常山之仙

昌客者常山道士。自稱殷女。食蓬蓽稂莠。來山下見者二百餘年。顏色如二十許人。列仙傳

古今文集

雜著

北岳恒山碑銘并序

張嘉貞

有國者殷薦于天地。望秩山川。故災沴不生矣。有家者嚴禋于鬼神。克諧禮樂。故休祐應之矣。由是上下交泰。幽明相協。五精

同朗辰為水。其味鹹。五鎮俱清。恒為冬。其音羽。大哉茲岳。殊於眾山。高華乃躡於近甸。衡岱不踰於方域。孰與夫包括綿長。經綸中外。外夷有四。泉宿主胡。則延袤以限之。中郡有五。寶符在代。則高義以臨之。其項也。上秩乾門。黑帝之宮。觀其足也。下捺坤軸。玄神之都。府豈止辟冀。魏截幽燕。拒洪河。撐大海。瀕洞合沓。半天下之襟帶。嵯峨嶮石。一字內之標格者也。故知惟土有精。惟山有虛。管宜負其道。至平。其德至貞。氣蓋馨馨。自之不觀。夫形耳之。不聞夫聲。陰陽不測。夫奧所以存像。設建祠庭矣。稽彼上古。洎乎中運。五載巡狩。百神懷柔。皇王令典。以之協祚。歷數昌期。以之交泰。粵自秦漢。爰逮周隋。匪脩匪虔。或借或移。不勤於省者。其政缺。非美而封者。其事訛。於戲黷祭。虛陳昭靈。

罔答更張禮秩固待雍熙粵若我唐正百主頌教恭惟我后揚
 五聖不列入神允洽動植和暢乃籍北鎮紫南壇禪西岳泥東
 岱是用告厥功祗其祠也故穰穰多福獲於彼顛顛衆心俟於
 此而今猥狃不熾已方餘辰邊隅於是乎靜雨雪其霽乃屢豐
 災稼穡於乎豐曹歲已成惟君能事斯北巡之禮胥詠其蘇雖
 黜輅纒旅未由冬覲而圓珪方璧每自天來或事舉必祈福行
 垣賽則有公卿而奉告命也或四時薦孰三獻酌洗則有侯牧
 而奉新章也非夫昭信雄直豈有享於明代哉是以河朔人風
 潔誠而禱蠶穀者多矣春秋孟冬首三之月九則類藻自牧若
 從官飲醵蘇不禁孰敢私伐蓋威靈感通以致示其與滯誦而
 求者異乎夫道莫先乎真政莫先乎浮參造化以變萬物莫先

乎神資皇王以富四海莫先乎人護神莫先乎君公正以莫先
 乎師長景寅歲乃命菲才謬兼軍郡欽若明詔持兵道俗無敢
 懈息名山大川著乎典式靡不加敬於昭神寢于岳之陽伊岳
 致神惟神主岳高柯古榦幽蔚陰翳俯仰瞻對精魄肅慕慄然
 何爲故以嗟嘆嗟嘆之不足於是詠歌歌以發言言以章德事
 可追於風雅詞無隱乎聞見神而聽之頌斯作曰
 五宿熒煌風政休咎上經乎乾綱我君順之祚乃父兮五宗
 盤薄陰化成敗下彰乎坤絡我君欽之福乃介兮天平地成
 神道助貞人事以寧兮皇極帝力神道助直人事以息兮禎
 祥且新既祠既禋國力斯春兮風雨時若是耕是獲家勤乃
 作兮至神通兮昭冥叶和至道默兮勤敏頌歌太恪如礪明

德惟我

[Faded vertical text columns, likely bleed-through from the reverse side of the page.]

新編古今事文類聚前集卷之十四

建安 祝穆 和父 編

金陵 唐富春 子和 刊

地道部

衆山

羣書要語山之爲言宜也。含澤布氣調五神也。春秋說題辭山

者土之聚也。國語今夫山一峯右之多及其廣大草木生之禽

獸居之寶藏興焉。中庸仁者樂山。論語玉在山而木潤。荀子積

土成山風雨興焉。荀子山不童。武帝制策

山之別名山頂曰冢亦曰巔亦曰椒山脊曰岡山大而高曰嵩

小而高曰岑銳而高曰嶠卑而大曰扈小而衆曰巋上大下小曰巘山有草木曰岵無草木曰咳石戴土曰岨土戴石曰崔嵬山東曰朝陽山西曰夕陽山足曰麓山穴曰岫山邊曰崖崖之高曰巖上秀者曰峯陬隅高者曰岵山坡曰坂山三襲曰陟山再成曰环山中絕曰陁未及上曰翠微山屬曰嶧山狹而高曰巒巒山曰墮土山曰阜曲阜曰阿太阜曰陵小陵曰丘以上見說文釋名爾雅

古今事實

巨鰲戴山

渤海之東有大壑中有五山岱輿員嶠方壺瀛洲蓬萊臺觀皆金石所居之人皆仙聖之種五山之根無所連著常隨潮汐上下

下往來不得暫時帝恐流於西極命策驪使巨鰲十五舉首而戴之始峙而不動湯問

愚公移山

太行王屋二山方七百里高萬仞愚公且九十面山居惡此山將移之操蛇之神聞之山神惧其不已也告帝帝感其誠命夸娥氏二子負山一措朔東一措雍南自此冀南漢陰無壠

會稽禹穴

禹巡狩至會稽而崩因葬焉上有孔穴民間云禹入此穴馬遷事秦始皇上會稽祭大禹望于南海而立石刻頌秦德史記

蓬萊風阻

自威宣燕昭使人入海求蓬萊方丈瀛洲此三神山諸仙人及

不死之藥皆在焉黃金銀爲宮闕未至望之如雲及到三山反
居水下臨之風輒引船而去終莫能至封禪書

徧歷名山

司馬遷曰余南登廬山觀禹疏九江遂至于會稽大滬上姑蘇
望五湖東闕洛汭大邳逆河行淮泗濟漯洛渠西瞻蜀之岷山
及離堆北自龍門至于朔方

著屐登山

謝靈運好登山陟嶺必造幽常著大屐上山則去前齒下山則
去後齒

天台採藥

劉晨阮肇入天台山採藥失道食盡見桃實食之覺身輕行數

里至溪澗持杯取水見一杯流出有胡麻飯溪邊一女子笑曰
劉阮二郎捉向所失流杯來便迎歸作食既出無復相識至家
子孫已七世矣

携妓東山

謝安棲遲東山放情丘壑好音樂每遊賞必以妓從

峴山感慨

羊祜與從事鄒潤甫登峴山垂泣曰自有宇宙便有此山由來
賢達勝士登此遠望者多矣皆湮滅無聞潤甫對曰明公德冠
四海道嗣前哲令聞令望當與此山俱傳後人爲立廟及碑

數月山行

郗詵數月山行喜聞樵語牧唱洗盡五年塵土腸胃欣然登崖

臨水火之而去

有濟勝具

許椽好遊山水體便登陟時云許非徒有勝情實有濟勝具世說

終南捷徑

盧藏用始隱終南山晚乃徇權利可馬承禎嘗召至闕下藏用指終南山曰此中大有佳處禎徐曰以僕視之仕宦之捷徑耳

求買山錢

戴符山人問襄陽節度于頔求買山錢頔與百萬

賜買山銀

種放累章乞歸章聖賜買山銀百兩

遊山題名

章子厚與蘇子瞻遊南山抵仙遊潭之上絕壁萬仞岸甚險子厚推子瞻下潭書壁子瞻不敢子厚履險而下以漆墨濡筆大書石壁上曰蘇軾章惇來子瞻撫子厚背曰子厚必能殺入子厚曰何也子瞻曰能自判命者能殺人子厚大笑

古今文集

雜著

記鴈蕩山

沈存

溫州鴈蕩山天下奇秀然自古圖謀未嘗有言者祥符中修造玉清宮伐山取材方有人見之此時尚未有名謝靈運為溫州守凡佳山水處遊歷殆徧獨不言此山蓋當時未有鴈蕩山也

予觀鴈蕩諸峯皆峭拔險峻。上聳千尺。穹崖巨谷。不類它山。皆包在諸谷中。自巔外望之。都無所見。至谷中則森然于霄原。其理當是為谷中大水衝激。沙土盡去。惟巨石歸然挺立耳。如木小龍湫水簾之類。皆是水鑿。音之穴。自下望之。則高岩峭壁。從上觀之。適與地平。以至諸峯之頂。亦低於山頂之地。向世間溝壑中水鑿之處。皆有植土龕岩。亦此類耳。筆談

武夷圖序

朱元晦

武夷君之名著自漢世。祀以乾魚。不知果何神也。今崇安有山名武夷。相傳即神所宅。峯巒巖壑。秀拔奇偉。清溪九曲。流出其間。兩崖絕壁。人不到處。往往有枯查。插石罅間。以度舟楫。棺槨之屬。極中遺骸。外列陶器。尚皆未壞。頗疑前世道阻未通。川壅未決。時夷俗所居。而漢祀者。即其君長。蓋亦避世之士。為衆所臣服。而傳以為仙也。今山之群峯最高。且正者。稱以大主。為号半頂。有小丘焉。登即君之居耶。

西山記

洪景廬

天地發育萬物。擎成于西。故名山川多西。今夫所謂瑤池昆侖。閩風縣固。日月之所避。隱神仙之所窟宅。正在流沙弱水。外中州。指為西。故其扶輿英淑之氣。渙而它之。雖一岩壑一觀臺。地無中邊。亦莫不爾。杭漢汝陰之西湖。洪蜀永之西山。嘉之蛾眉。巴陵岳陽之樓黃。之臨臯。金陵之賞心。白鷺揚之平山。吳之蘇臺。茂苑荆楚之雲夢。郢之白雪。滁之琅琊。九江之庾樓。皆延庚挹辛。賓夕陽而導初月。校奇品勝。於登臨最宜。彼東北南。豈不

或然僅速數一二也吾邦東有督軍湖南有大江北有芝山而重淵復澤吞包太虛無盡復舉集西偏繁洲野處之所擅危當之矣非有以大表振之不能以雄夸李陽水書山南西道軍額篆筆徑二尺高三十五寸竊取其兩字揭為四山立亭於道上出濱洲門者引首即見當踈然改觀也起瓊樓訖江月巨細十二扁皆伯兄丞相隸古所作

桂山志

范至能

余嘗評桂山之奇宜為天下第一士大夫落南者必往往不知而聞者亦不能信余生東吳而北撫幽薊南宅交廣西使岷峨之下二方皆走萬里所至無不登覽太行常山衡岳廬阜皆崇高渾厚雖有諸峯之名政爾魁然大山峰云者蓋強名之其最

號奇秀莫如池之九華歛之黃山括之仙都溫之鴈蕩蕪之巫峽此天下同珍之者然皆數峰而止耳又在荒絕僻遠之瀕非几杖間可得且所以能拔乎其萃者必因重岡複嶺之勢盤桓而起其發也有自來桂之千峰皆旁無延緣悉自平地崛起特立玉笋瑤簾森列無條其恠且多如此誠當天下第一韓退之詩云水作青羅帶山如碧玉簪柳子厚嘗家洲記云桂州多靈山發地峭堅林立四野黃魯直詩云桂嶺環城如鴈蕩平坡蒼王忽嗟峨觀二子語意則桂山之奇固在目中不待余言之贅頃嘗圖其真形寄吳中故人蓋無深信者此未易以口舌爭也山皆中空故峰下多佳岩洞有名可紀者三十餘所皆去城不過七八里近者二三里一日可以徧至今推其尤者記其畧

麻姑山賦

李泰伯

巍乎高哉茲山之為異也吾不知夫幾百千里之廣但見土老而石頽頂天以直上驗地勢之所極固亦東南之藩障者乎路蹊蟠鬱前後相失岡巒崒落左右馳突鳴泉百雷躍下雲窟喬杉萬矛舞破煙骨靈竒恍惚變見出没置耳目之觀聽曾不究夫萬一其間則有名夫之洞禮神之堂高臺層瑤吸日月之光繚垣築粉孕芝蘭之香偏門曲廊入迷其方斜軒亂窓或明而涼况乎御龍膏之酒倚雲和之瑟一飲一石一醉十日安知億萬人塵衣飛蚤蟲其或黷然而霧飄然而雨跬步之內則朦無所觀夜長漫漫山空月寒鶴群戲風舞羽珊珊老猿抱子吟聲欲乾惟物參差松柯水滑或步或馳或嘯而悲仙乎鬼乎千態

萬狀而使人疑別有澗石之迤邐園潭之無底是曰蛟龍之所止懶而為旱怒而為水嗟我方耕之民輟衣食之資而為禱祠之費巖岫冥冥古無人行百獸饑死虎狼夜鳴是何假上真之名而神茲之所憑也悲夫以地之奇以物之靈而連客之經營全形養氣采木茹菁未嘗有笳簫之聲鸞鳳之迎謝人品而凌太清者徒見山寒兮青青水秋兮冷冷雲路咫尺而不能以升豈非仙可得而不可求道可悟而不可與彼其叛稼穡之功遣室家之樂越天常而慕冥漠宜乎白首於丹竈之下幽死而無所託也

山居記

楊廷秀

山居者待制侍郎雪川沈公賓王之居也賓王之居不于其山

于其郭而曰山居者癖於愛山也人各有癖武子癖於馬賓王癖于山郭居而名以山居以見愛山之意無適而非山也賓王胸次洒落如風櫺月牖韻致清曠如雪山水壑身居金馬玉堂之近而有雲嶠登臨之想職在獻納論思而有灞橋吟哦之色家本道場何山之麓也而世居吳興之郭非其好也爰即其居小築一室其廣二楹署以此名客有過之而笑者曰君子之宅有二有晏子之宅有庾信之宅庾于林安于市也今子之宅晏也非庾也而曰山居甚矣子之愛山也抑亦居則有矣惡觀所謂昆侖哉問其戶外則康衢之埃也那得青壁之倚天問其墻東則唐四之區也那得千巖之秋氣問其極目則黃公之壚也那得飛泉之漱玉昔羊叔子有鶴嘗於其能舞一日客至求

觀公爲出之竟艱難而不能舞今子之山居將無類叔子之鶴乎賓王笑曰知笑吾之無山而有山不知吾亦笑子之有目而無目也吾嘗仕于江西章貢之憲幕矣又嘗守天台矣又嘗守會稽矣翠浪玉虹丹丘赤城若耶雲門千巖萬壑至今磊磊皆在吾目中也今吾此室之前惟石相重松竹相友泉流相輝其巉然者非崆峒天台乎其森然者非雲門禹穴乎其冷然者非瀑布簾泉乎吾居無山吾目未嘗無山吾居未嘗無山

楊某記

古詩

華子岡

謝靈運

南州實炎德桂木凌寒山銅陵映碧澗石磴瀉紅泉旣枉隱淪客亦棲肥遯賢徑險無測度天路非術阡遂登群峰首邈若升

雲煙羽人絕，髮鬢丹丘徒。空筌圖謀復，磨滅碑版誰。聞傳莫辨，百世後安知。千載前且申，獨往意乘月。弄潺湲，常充俄頃用。豈為今古然。

登石門最高頂

謝靈運

晨策尋絕頂，夕息在山樓。疏峰抗高館，對館臨迴谿。長林羅戶庭，積石擁基階。連巖竅路塞，密谷使徑迷。來人忘新術，去子惑故蹊。活活夕流駛，噉噉夜猿啼。沉寔豈別理，守道自不攜。心契九秋幹，目翫三春萸。居常以待終，處順故安排。惜無同懷客，共登青雲梯。

石壁山

謝靈運

昏且變風候，山水含清暉。清暉能娛人，遊子澹忘歸。出谷日尚

早入舟陽已微，林壑欽暝色。雲霞收夕霏，芙蓉送映蔚。蒲稗相因，依披拂。趁南徑，愉悅偃東扉。慮澹物自輕，意愜理無違。寄言攝生客，試用此道推。

敬亭山

鮑照

茲山亘百里，合沓與雲齊。隱淪既已託，靈奧居然棲。上干蔽白日，下屬帶迴溪。交藤荒且蔓，樛枝聳復低。獨鶴方朝唳，饑鶩此夜啼。溟雲已漫漫，多雨亦凄凄。我行雖紆組，兼得尋幽蹊。綠源未極歸路窄，如迷要欲近奇趣。卽此陵丹梯，皇恩竟已矣。茲理庶無朕。

劍閣

杜甫

維天有設險，劍閣天下壯。連山抱西南，石角皆北向。兩崖崇墉

倚刻畫城郭狀一夫怒臨關百萬未可傍珠玉走中原岷峨氣
悽愴二皇五帝前鷄犬莫相放後王尚柔遠職貢道已喪至今
英雄人高視見霸王并吞與割據極力不相讓吾將罪真宰意
欲鏹豐瘡恐此復偶然臨風默惆悵

石龕

杜甫

能巖號我東虎豹號我西我後鬼長嘯我前彼又啼天寒昏無
日山遠道路迷驅車石龕下仲冬見虹霓伐竹者誰子悲歌上
雲梯爲官採美箭五歲供梁齊皆云直榦盡無以充提携奈何
漁陽騎颯颯驚蒸黎

天台曉望

李白

天台隣四明華頂高百越門標赤城霞樓棲滄海月憑高遠登

覽直下見溟渤雲垂太鵬翻波動巨鰲沒風潮爭洶洶神恠何
翕忽觀奇迹無倪好道心不歇攀條摘朱實服藥鍊金骨安得
生羽毛千秋臥蓬闕

送人歸黃山白鶴峯

李白

黃山四千仞三十二蓮峯丹崖夾石柱齒齒金芙蓉伊昔升絕
頂下窺天目松仙人煉玉處羽化留餘蹤亦聞溫伯雪獨往今
相逢採秀辭五嶽攀巖歷萬重歸休白鶴嶺渴飲丹砂井鳳吹
我時來雲重爾當整去去陵陽東行行芳桂叢迴溪十六度碧
嶂盡晴空他日還相訪乘橋躡綵虹

登峨眉山

李白

蜀國多仙山峨眉邈難匹周流試登覽絕恠安可悉青冥倚天

開彩錯疑畫出冷然紫霞賞果得錦囊術雲間吹瓊簫石上弄
寶瑟平生有微尚歡笑自此畢煙容如在顏塵累忽相失儻逢
騎羊子携手凌白日

白水山佛迹巖

蘇子瞻

何人守蓬萊夜半失左股浮山如鵬蹲忽展垂天羽根株互連
絡崖嶠爭吞吐神功自鑪鞴融液相綴補至今餘隙罅流出千
斛乳方其欲化時天匠磨月斧帝觴分餘瀝山骨醉后土峯巒
尚開闔澗谷猶呼舞海風吹未凝古佛來布武當時汪罔氏投
足不蓋册青蓮雖不見千古落花雨雙溪匯九折萬馬騰一鼓
奔雷濺玉雪潭洞開水府潛鱗有饑蛟掉尾取渴虎我來方醉
後濯定聊戲侮迴風卷飛電掠面過強弩山靈莫惡劇微命安

足賄此山吾欲老慎勿厭求取溪流變春酒與我相賓主當遣
青竹筒下灌黃精圃

游武夷以相期拾瑤草分韻賦詩得瑤字

朱元晦

秋聲入庭戶殘暑不敢驕起趨汗漫期兩袂天風飄眷焉此家
山名號列九霄相與一來集曠然心朗寥棲息共雲屋追尋喚
漁舸一水屢縈廻千峯鬱岩巽蒼然太隱屏林端聳孤標下有
雲一壑仙人久相招授我黃素書贈我英瓊瑤茅茨幾時見自
此遣紛囂

屢游廬阜欲賦一篇不能就董役臥龍偶成此詩

朱元晦

登重闕嶺微息駕康山陽康山高不極連峯鬱蒼蒼金輪西崖
峩五老東昂藏想象仙聖集似聞笙鶴翔林谷下棲遯雲闕杳
相望千巖雖競秀工勝終莫量仰瞻銀河翻俯看蛟龍驤長吟
謫仙句和以王局章疇昔勞夢思茲今幸徜徉尚恨忝符竹未
極棲雲房已尋兩峯間結屋依陽罔上有飛瀑駛下有清流長
循名協心期弔古增悲涼壯齒乏奇節頽年矧昏荒誓將塵土
蹤暫寄雲水鄉封章儻從欲歸哉澡滄浪

廬山

李白

我本楚狂人鳳歌笑孔丘手持綠玉杖朝別黃鶴樓五嶽尋仙
不辭遠一生好入名山遊廬山秀出南斗傍屏風九疊雲錦張
影落明湖青黛光金闕前開一峯長銀河倒挂三石梁香爐瀑

布遙相望迴崖疊嶂凌蒼蒼翠影紅霞隱朝日鳥飛不到暮天
長登高壯觀天地間大江茫茫去不還黃雲萬里動風色白波
九道流雪山好爲廬山謠興因廬山發閑窺石鏡清我心謝公
行處蒼苔沒早服還丹無世情琴心三疊道初成遙見仙人綵
雲裏手把芙蓉朝玉京先期汗漫九垓上願接盧敖遊太清

閬山歌

杜甫

閬州城東靈山白閬州城北玉臺碧松浮欲盡不盡頭江動將
傾未傾石那知根無鬼神會已覺氣與嵩華敵中原格鬪且未
歸應結茅齋傍青壁

律詩

劉阮山

元稹

芙蓉脂肉綠雲鬟。畫樓臺畫黛山。千樹桃花萬年藥。不知何事憶人間。

香爐峯

白居易

倚石攀蘿歇病身。青筇竹杖白紗巾。他時畫出廬山障。便是香爐峯上火。

五老峯

李白

廬山西南五老峯。青天削出金芙蓉。九江秀色可攬結。吾將此地巢雲松。

君山

劉禹錫

湖光秋色兩相和。潭面無風鏡未磨。遙望洞庭山水翠。白銀盤裏一青螺。

君山

黃魯直

滿川風月獨凭欄。縮結湘娥十二鬟。可惜不當湖水滿。銀山堆裏看青山。

廬山

晁補之

南康南麓江州北。五百僧房綴客脾。畫巖是廬山佳絕處。不知何處合題詩。

遊東山

丁公言

數峯回抱隔煙林。一簇招提十里深。祇合赤行尋石徑。不道呵喝入松陰。遙分畫手援毫意。暗起詩人得句心。每領笙歌上青處。孤猿幽鳥減清音。

石

假山附

羣書要語王精為石石氣之核也氣之生石猶人筋絡之生爪
牙也物理論周易艮為山為小石石陰中之陽陽中之陰陰精
補陽故山含石春秋說題辭燒泥為瓦燔木為炭蜂窠為蟻水
沫為石凡此皆其柔脆變為堅剛又曰磁石引針抱朴子隱石
于宋五隕星也左傳泗濱浮磬注水中見石可以為磬書石韞
玉而山輝文中子流洲在西海中上多積石名為昆吾石冶成
鐵作劍光明洞照如水精狀割玉物如切泥土十洲記將為穹
谷崑崙淵池於郊邑之中則必輦山石溝澗壑凌絕險阻疲極
人力乃可以有為也然而求天作地生之狀咸無得焉柳永州

新堂記好奇之士聞此石者可以一賞何必取而去哉歐公羨
 溪大石記

古今事實

貢椎石

禹貢青州厥貢鈇松椎石

石能言

石言於晉魏榆晉侯問於師曠曰石何故言對曰石不能言或
 鳴焉不然民聽謚也抑臣又聞之曰作事不時怨譴動小民則
 有非言之物而言昭八

寶燕石

宋之愚人得燕石而藏之以為寶周客聞而觀焉主人齋七日

事類類原

端冕玄服以發寶華匱千重緹巾十襲客見之掩口而笑曰此燕石也其與瓦甃不殊荀子

以石為虎

楚熊渠子夜行見寢石以為伏虎奮弓而射之沒金飲羽下視知其石也因復射之矢摧無迹韓詩外傳李廣事同見射門

鞭石作橋

秦始皇作石橋欲過海看日出處有神人能斷石下海石去不速神輒鞭之三齊略記

鬱林石

陸氏居姑蘇門有巨石遠祖續仕吳為鬱林太守罷歸無裝舟輕不可越海取石為重人稱其廉號鬱林石龜蒙傳

叱石成羊

黃初平叱石成羊

叩石鼓鳴

晉武帝時吳郡臨平岸崩出一石鼓打之無聲以問張華華曰可取蜀中桐木刻作魚形叩之則鳴於是如言聲聞十里

中書盤石

薛元超道衡孫也為中書舍人中書省一盤石初道衡為內史侍郎嘗踞而草制元超再見此石未嘗不泫然流涕

醉石

陶淵明所居栗里有大石淵明嘗醉眠其上名曰醉石廬山記

翁仲

事文類聚前集

卷之十四

七

魏明帝景初二年鑄銅人二列於司馬門外號曰翁仲魏志鄆南千秋亭壇廟之東枕道有兩石翁仲南北相對水經

醒酒石

李德裕於平泉別墅採天下珍木怪石為園池之玩有醒酒石德裕尤所寶惜醉即踞之唐餘錄唐莊宗朝張全義為太師尚書令兼四鎮節度有監軍嘗得平泉醒酒石德裕孫延古託全義復求之監軍忿然曰自黃巢亂後洛陽園宅無復能守豈獨平泉一石哉全義嘗在賊巢中以為譏也大怒皆殺之

戒子孫齋石

李德裕平泉山居戒子孫記曰齋平泉者非吾子孫也以平泉一樹一石與人者非佳子弟也

靈壁石

政和間建良斲異花奇石來自東南不可名狀忽靈壁縣貢巨石高二十餘尺周圍稱是舟載至京師毀水門樓以入于夫昇之不動或啓于上云此神物也宜表異之裕陵親灑宸翰云慶雲萬態奇峯仍以金帶一條掛其上遂即可移省夫半頃刻至苑中揮塵錄

三石見夢

金陵有三大石甚古吳仲度作守日夜夢三舉子求哀且曰若不垂祐明日當為煨燼矣公甚異之詰旦徧問僚屬莫能原其意既而視其牒見丘馬司狀申乞燒三醜石為灰供齋造之用公遂悟敕寺僧愛護元祐中毛漸作漕欲移置解舍掘之極深

而石根不斷不能動遂罷揚公筆錄

記防取石

六一記菱溪石東坡記四菩薩皆寓意防人取去然氣象不類如此朱語錄

拜奇石

米芾好奇知無為軍初入州解見立石頗奇喜曰此足以當吾拜遂命取袍笏拜之每呼曰石丈為言者所彈石林燕語

石屏

石屏出寒陽白鶴山屈處靜上昇之所紹興壬午間有宗子邑居一日艤舟山下於水中得一石光采綉異其紋若峯巒聳秀渾然天成自是石工鑿取益眾煙雲雪月之景波瀾龍鳳之象

隱然可觀大者方廣可四五尺雖巧畫者莫臻其妙金陵志

以假山為血山係假山

死王官翊善姚坦王作假山坦曰不見假山唯見血山皆民生膏血所成時太宗為諸王亦作假山聞語而罷石介聖政錄

古今文集

雜著

太湖石記

白居易

古之達人皆有所嗜玄晏先生嗜書嵇中散嗜琴靖節先生嗜酒今丞相奇章公嗜石石無文無聲無臭無味與三物不同而公嗜之何也眾皆恠之走獨知之昔故友李生名約有云荷適吾志其用則多誠哉是言適意而已公之所嗜可知之矣公以

司徒保釐河雒治家無珍產奉身無長物惟東城置一第南郭
營一墅精葺宮宇慎擇賓客性不易合居常寡徒游息之時與
石爲伍石有殊聚太湖爲甲羅浮天竺之徒次焉今公之所嗜
者甲也先是公之僚更多鎮守江湖知公之心惟石是好乃鈞
深致遠獻瑰納奇四五年間纍纍而至公於此物獨不廉讓東
第南墅列而致之富哉石乎厥狀非一有盤坳秀出如靈丘鮮
雲者有端險挺立如真官神人者有瀟灑削成如珪瓚者有廉
稜銳劇如劍戟者又有如虬如鳳若踞若動將翔將踴如鬼如
獸若行若驟將疎將闢風烈雨晦之夕洞穴開豈若欲雲歎雷
嶷嶷然有可望而畏之者煙霽景麗之日巖峩霍霍若拂嵐撲
黛霽霽然有可狎而翫之者昏曉之交名狀不可撮要而言則

三山五岳百洞千壑觀縷簇縮盡在其中百內一峯千里一瞬
坐而得之此所以爲公適意之用也嘗與公迫觀孰察相顧而
言豈造物者有意於其間乎將肝脾凝結偶然而成功乎然而
自一成不變以來不知幾千萬年或委海隅或淪湖底高者僅
數仞重者殆千鈞一旦不鞭而來無脛而至爭奇騁恠爲公眼
中之物公又待之如賓友親之如賢哲重之如寶玉愛之如兒
孫不知精意有所召耶將尤物有所歸耶孰不爲而來耶必有
以也石有大小其數四等以甲乙丙丁品之每品有上中下各
刻于石陰曰牛氏石甲之上丙之中乙之下意是石也百千載
後散在天壤之內轉徙隱見誰復知之欲使將來與我同好者
覩斯石覽斯文知公之嗜石之自

永州萬石亭記

柳宗元

御史中丞清河男崔公來涖永州間日登城北墉臨于荒野藜
翳之隙見惟石特出度其下必有殊勝步自西門以求其墟伐
竹披叟歌又入綿谷跨溪皆大石林立渙若奔雲錯若置基
怒者虎闢企者鳥厲抉其穴則鼻口相呀搜其根則蹄股交時
環行卒愕疑若搏噬於是剝闢朽壤剪焚榛蕪決溝澮道汙流
散為疎林洄為清池寥廓泓渟若造物者始判清濁竒奇於茲
地非人力也乃立游亭以宅厥中直亭之西石若掖分可以眺
望其上青壁斗絕沉于淵源莫究其極自下而望則合乎攢巒
與山無窮明白州邑耆老雜然而至曰吾儕生是州藝是野眉
龐齒鯢未嘗知此豈天墜地出設茲神物以彰我公之德歟既

賀而請名公曰是石之數不可知也以其多而命之曰萬石亭
耆老又言曰懿夫公之名亭豈專狀物而已哉公嘗大為二千
石既盈其數然而有道之士咸恨惟公之嘉績未洽於人敢領
休聲祝公于明神漢之二公秩號萬石我公之德宜受茲錫漢
有禮臣惟萬石君我公之化始于閨門道合于古祐之自天野
夫獻辭公壽萬年宗元嘗以牋奏諫尚書敢專筆削以附零陵
故事

惟石供

蘇子瞻

禹貢青州有鈇松惟石解者曰惟石似玉者今齊安江上往
往得美石與玉無辨多紅黃白色其文如人指上螺精明可愛
雖巧者以意繪畫有不能及者豈古所謂惟石者耶凡物之醜

事之類身前集 卷之十四
好生於相形吾未知其果安在也。使世間石皆若此則今之凡石覆為怪矣。海外有形語之國口不能言而相喻以形其以形語也。捷於口使吾為之不已難乎。故夫天機之動忽焉而成而人真以為巧也。雖然自禹以來恠之矣。齊安小兒浴於江時有得之者戲以餅餌易之既而得二百九十有八枚。夫者兼寸小者如棗栗菱芡其一如虎豹首有口鼻眼處以為羣石之長又得古銅盆一枚以盛石挹水注之粲然而廬山歸宗佛印禪師適有使至遂以為供禪師常以道眼觀一切世間混沌空洞了無一物雖夜光赤璧與瓦礫等而況此石雖然願受此供灌以墨池水強為一笑使自今已往山僧野人欲供禪師而力不能辦衣服飲食臥具者皆得以淨水注石為供蓋自蘇子瞻始

山一矣 泉石膏肓記

楊廷秀

紹熙壬子九月十六日予以廢疾至自金陵深念平生無他好獨好泉石而故居乃土山安所得石忽鄉友王信臣及其猶子林艘永新惟石以遺予予喜甚曰予犯所謂天賜者亟召匠釘假為假山友人王才臣見之譙予曰先生居真山而又為假山將誰給予笑曰予敢給人聊以自給耳才臣曰有石而無泉非闕歟予偶思去假山三十步而近舊有二泉而湮即命浚焉泉列以猛因接筒引之又於假山之前十步之間甃一小方池深尺廣五之泥與泉其深各半植以芙蓉雜以荷藻每疏泉自筒入地中伏之假山之趾仰而出於石鏤閉而激之則為機泉噴珠躍玉飛空而上若白金繩焉與假山相高開而達之則為流

水其將至也若哽若咽若頓若吐然後滂然而上決決而流流而入於池其流有文其入有聲頃刻之間通塞萬變觀者四顧莫測所求予因生致小魚善游而善浮者畜之池二十許尾先十後十每浮而出也後者不先夫先者若徐行後長者之爲者余固異之其始畏人不浮人至則隱於荷盤荷帶之下去則顯其後漸與入習圍圍洋洋若與人爲說既而復隱若耻以身供人之說者予益異之予間以食食之每食至必出久之若疑夫食之餌已者復不出予益異之因命其泉石之上小軒曰泉石膏肓或曰膏肓之疾醫緩云不可爲後世乃有法可艾也予曰膏肓有法可艾也泉石膏肓無法可艾也有法可艾予亦不艾也一笑而書之明年重午王隆病叟楊某記

盤石銘并序

白居易

太和元年夏有山客贈余盤石轉寘於履道里第時屬炎暑坐臥其上愛而銘之云耳

客從山來遺我盤石圓平膩滑廣袤六尺質疑雲白文坼烟碧莓苔有斑麋鹿無跡置之竹下風掃露滴坐待禪僧眠留醉客清冷可愛支體甚適便是白家夏天床席

古詩

題祖山人池上怪石

張碧

寒姿數片奇突兀曾作秋山秋水骨先生應是厭風雷看向池邊塞龍窟我來池上傾酒尊半酣書破青煙痕參差翠縷擺不落筆頭驚恠粘秋雲我聞吳中項容水墨有高價邀得將來倚

松下鋪却雙繒直道難掉首空歸不成畫

太湖石歌

吳融

洞庭山下湖波碧波中萬古生幽石鐵索千尋取得來奇形怪
狀誰能識初疑朝家正人立又如戰士方狙擊又如防風死後
骨又如於菟活時額又如成人楓又如害癭柏雨過上濛濛風
來中有隙想得沉潜水府時與雲出兩蟠蛟螭今來碑碣林庭
上長愁忽然生白浪用時應不稱媼皇將去也堪隨博多噫嘻
爾石好憑依幸有方池并釣磯小山叢桂且為伴鍾阜白雲長
自歸何必豪家甲第裏玉欄干畔爭光輝一朝荆棘忽流落何
異綺羅雲雨飛

律詩

奉和牛相公題姑蘇所寄太湖石見示兼寄李蘇州

劉禹錫

震澤生奇石沈潛得地靈初辭水府出猶帶龍宮腥發自江湖
國來榮卿相庭從風夏雲勢上漢古查形拂拭魚鱗見鏗鏘玉
韻聆煙波含宿潤苦辭助新青嵌穴胡雛貌織銜虫篆銘犀顏
傲林薄飛動向雷霆煩熱近還散餘醒見便醒尤禽不敢息浮
壺莫能停靜稱垂松蓋鮮宜映鶴翎忘憂常日擊素尚與心冥
矜小欺湘鷺團圓矢落星徒然想融結安可測年齡採取詢鄉
老搜求按舊經垂鈎入空隙隔浪動晶荧有獲人爭賀歡譁衆
共聽一州驚閱覽千里遠揚舲觀物洛陽陌懷入吳御亭寄言
垂天翼早晚起滄溟

奉和思黯相公以李蘇州所寄太湖石奇壯絕倫因

題二十韻見示兼呈夢得

白居易

錯落復崔嵬蒼然玉一堆峯駢仙掌出鏤琢劍門開峭頂高危
尖蟠垠下壯哉精神欺竹樹氣色壓亭臺隱起磷磷狀疑成瑟
瑟胚廉稜露鋒刃清越叩瓊瑰芝葉形將動鬼戩勢欲摧奇應
潛鬼恠靈合雷風雷震濶沾新雨斑明點古苔未應覆鳥雀不
肯染塵埃尖削琅玕筍窪窳瑪瑙壘海神移碣石畫障簇天台
在世為尤物於人負逸才渡江一葦載入洛五丁推出處雖無
意昇沉亦有媒技從永府底置向和庭隈對稱吟詩句看宜把
酒盃終隨金礪用不學玉山頽疎傳心偏愛園公眼屢迴共嗟
無此分虛管太湖來

陳朝三品石

王介甫

草沒苔侵棄道周誤恩三品竟何酬國亡今日頑無耻似為當
年不預謀

恠石

黃亞夫

山鬼水恠着薜荔天祿辟邪眠綠苔鈎簾坐對心語口曾見漢
家池館來

詩話

評望夫石詩

陳后山云望夫石詩惟劉夢得云終日望夫夫不歸化為孤石
苦相思望來已是幾千歲只似當年初望時語雖拙而意工葦
叔達望夫之弟也以顧况為第一云望夫處江悠悠化為石不

回頭山頭日自風和雨行人歸來石應語語意皆工
雜著 以下係假山

木假山記

蘇明允

木之生或孽而殤或拱而夭幸而至於任為棟梁則伐不幸而
為風之所拔水之所漂或破折或腐幸而得不破折不腐則為
人所材而有斧斤之患其最幸者漂沉汨沒於湍沙之間不知
其幾百年而其激射齧食之餘或髣髴於山者則為好事者取
去彊之以為山然後可以脫泥沙而遠斧斤而荒江之濱如此
者幾何不為好事者之所見而為樵夫野人之所薪者何可勝
數則其最幸者之中又有不幸者焉余家有三峯余每思之則
恐其有數存乎其間且其孽而不殤拱而夭任為棟梁而不

伐風拔水漂而不破折不腐不腐不為人所材以及
於斧斤出於湍沙間而不為樵夫野人之所薪而後得至於此
則其理似不偶然也然余愛之非徒愛其似山而又有所感焉
非徒愛之而又有所敬焉余見中峯魁岸踞肆意氣端重若有
以服其旁之二峯一峯莊栗刻削凜乎不可犯雖其勢服於中
峯而岌然決無阿附意吁可敬也夫其可以有所感也夫

古詩

奉和裴相公假山

韓愈

公乎真愛山看山且連交猶無山在眼不得着屐歷往語山中
人馬我澗側石有來應公須歸必載金帛當軒乍駢羅隨勢忽
開拚有洞若神劍有巖類天劃終朝巖洞間歌吹宴賓戚孰謂

衡霍奇近在王侯宅傅氏築已卑磻溪釣何激逍遙功德下不
與事相據樂我盛明朝於焉傲今昔

和司空相公假山

錢希聖

斷得古雲根蒼蒼薛痕布叢倚狀峯嵐霏微起煙素參差衡霍
列巉峯虬龍聚揮扇動林風飛香暗巖戶誰言盈尺內自有青
霄路相君機務閑玩此懷直趣興似東山歸境對曹溪悟美矣
仁智心良哉聖明輔

和徐生假山

范至能

匠智無遺巧天形極幽探謂我愛山者爲山列前簷頽坦不數
尺萬峻由心潛或開如斷裂或吐似研鉞或長隨靡迤或瘦露
空嵌險穴覩杳杳高屏立巉巖後出忽孤從羣奔皆相參駁若

氣融結突如鬼鑄鏡昔歲貶荆楚扁舟極東南孤山馬當峽兩
岸臨江潭常恨江水惡輕風下流帆峯巒千萬狀可愛不可談
但欲惜粉繪圖之掛絙縑豈如九席間百態生濃纖暮雲點新
翠孤煙起朝嵐恐此窮冬節陰飈積疑嚴幽齋喜深處遠目生
遐瞻晝臥不移枕晨興自開簾吾聞君子居出處無常占卷道
或獨善施物仁貴兼於時苟無益懷祿古所鮮嵩山幸不遠微
巖豈不甘自可結幽侶披雲老溪巖胡爲不卽往一室安卽恬
辱子贈可愧因詩以自讒

新編古今事文類聚前集卷之十四終

[Faint bleed-through text from the reverse side of the page]

新編古今事文類聚前集卷之十五

建安 祝穆 和父 編

金陵 唐富春 子和 刊

地道部

海

羣書要語海晦也主引晦濁其水黑而晦釋名天地四方皆海水相通地在其中蓋無幾也四海之外皆復有海東海共稱渤海又謂之滄海南海之別有漲海西海之別有青海北海之別有翰海博物志夏革曰渤海之東有大壑焉實惟無底之谷名曰歸虛八紘九野之水天漢之流莫不注之而無增無減焉列

子湯問 中國名曰赤縣神州有大瀛海環其外史記東有碧海

水不鹹苦正作碧色十洲記 扶桑在碧海之中有大帝宮太真

東王所居有蓬萊山周迴五十里外有真海繞山其海水色正

黑謂之溟海無風而洪波百丈惟飛仙能到山海經海傍有蜃

氣為樓臺漢書江漢朝宗于海禹貢海濱廣斥同上百川學海

而至于海揚子萬川歸之不知何時止而不盈尾閭泄之不知

何時已而不虛莊子君處北海寡人處南海惟是風馬牛不相

及左傳九天之雲下垂四海之水皆立杜甫大禮賦東海驚莊

子北溟魚莊子詩句遠聲魚呬浪層氣蜃迎風張濱歸海流漫漫選地闊海冥

古今事實

精衛填海

發鳩之山有鳥名曰精衛是炎帝之女往遊于東海溺而不反

是故精衛常取西山之木石以填東海山海經

乘桴浮海 孔子曰道不行乘桴浮于海從我者其由與

海變桑田

麻姑謂王方平曰自接待以來見東海三變為桑田向到蓬萊

水乃淺於往者畧半也豈復為陵乎方平乃曰東海行復揚塵

取神仙傳

海賦不道蓋

卷之十五

張融作海賦以示顧愷之愷之曰公此賦實超玄虛徂不道蓋

風飄海船

嘉祐中蘇州崑山縣海上有一船桅折風飄抵岸船中有三十餘人衣冠如唐人繫紅鞋角帶短皂布衫見人皆慟哭語言不可曉試令書字字亦不可讀行則相綴如鴈行久之自出一書示人乃唐天授中告勅屯羅島首領陪戎副尉制又有一書乃是上高麗表亦稱屯羅島皆用漢字蓋東夷之臣屬高麗者船中有諸穀唯麻子大如蓮的蘇人種之初歲亦如蓮的次年漸小數年後只如中國麻子時贊善大夫韓正彥知崑山縣事召其人犒以酒食食罷以手捧首而輟意若離感正彥使人為其

治桅桅舊植船木上不可動工人為之造轉軸教其起倒之法其人又喜復捧首而輟筆談

舟遇海鯨

趙忠簡公請朱崖自雷州浮海而南越三日方張帆早行風力甚勁顧見洪濤間紅旗靡靡相逐而下極目不斷遠望不可審疑為海寇或外國兵甲呼問舟人舟人搖手令勿語愁怖之色可掬急入舟被髮持刃出蓬背立割其舌出血滴水中戒使臣使閉目坐船內凡經兩時頃聞舟人相呼曰更生更生乃言曰朝來所見蓋巨鱗也平生未嘗觀所謂旗者海鱗耳

古今集

雜著

海賦

木華字玄虛

昔在帝鳩巨唐之世天網滂濶為周為察洪濤瀾汗萬里無際
 長波浩渺迤延八裔於是乎禹也乃鏗臨崖之阜陸夾波瀆而
 相浚啓龍門之岸嶺墓陵巒而嶄鑿羣山既畧百川潛深決奔
 澹泞騰傾赴勢江河既導萬穴俱流倚拔五嶽竭澗九州瀝滴
 滲滲蒼蔚雲霧消流決瀆莫不來注於廓靈海長為委輸其為
 廣也其為在也宜其為大也爾其為狀也則乃攸奕欽灑浮天
 無岸冲融沈漑沙瀾漫漫波如連山乍合乍散嘘噏百川洗滌
 淮漢襄陵廣鳥膠瀉浩汴若乃大明月也撫轡於金樞之穴翔
 揚日也逸駭於扶桑之津彭沙學石蕩颺島濱於是鼓怒益良
 揚浮更相觸搏飛沫起濤狀如天輪膠戾而激轉又似地軸扶

拔而爭迴岑嶺飛騰而反覆五岳鼓舞而相搥漚瀆淪而瀆滌
 鬱泐迭而降積盤盪激而成窟消泐深而為魁澗泊拍而地颺
 磊砢窅而相壓驚浪雷奔駭水迸集開合解會漾漾濕濕葩華
 漱注瀉淪漑漑若乃靈贍潛銷莫振莫疎輕塵不飛纖蘿不動
 猶尚呀呶餘波獨湧澎滯潑環磊山壘爾其枝岐潭淪渤蕩
 成汜乖蠻隔夷迴互萬里若乃偏荒速告王命急宣飛駭鼓楫
 汎海陵山於是侯勁風揭滔次維長綯挂帆席望濤遠决罔然
 鳥逝鷗如驚鳧之失侶倏如六龍之所掣一越三千不終朝而
 濟所屆若其負穢臨深虛警愆期則有海童邀路馬銜水獸當
 蹊天吳乍見而鬚髯蝟象暫曉而閃屍羣妖邁迓眇睭迨夷决
 帆摧種戕風起惡廓如靈變惚恍幽暮氣似天膏黶黶雲布

靄豈絕電日色妖露呵燄掩翳曠眈無度飛滂大波相礮激勢
相切崩雲屑雨泆泆汨汨踈踈漑漑滂滂滄滄滄滄滄滄滄滄
沃日於是舟人漁子徂南極東或屑沒於鼉鼉之穴或挂臂於
岑嶽之峯或掣掣洩洩於裸人之國或汎汎悠悠於黑齒之邦
或乃萍流而廻轉或因歸風以自反徒識觀海之多隘乃不悟
所歷之近遠爾其大量也則南滄朱崖北灑天壚東演析木西
薄青徐經涂嬰溟萬萬有餘吐雲霓含龍魚隱鯢鱗潛靈居豈
徒積太顛之寶貝與隨侯之明珠將世之所收者常聞所未名
者若無且希世之所聞惡審其名故可仿像其色飄飄其形爾
其水府之內極深之庭則有崇島巨鰲啞峴孤亭孽洪波指木
清竭磐石棧百靈颺凱風而南逝廣莫北國至而北征其垠則

有天琛水恠鮫人之室瑕石詭暉鱗甲異質若乃雲錦散文於
沙泐之際綾羅被光於螺蚌之節繁采揚華萬色隱鮮陽水不
洽陰火潛然燧炭重熾吹烟九泉朱燼綠煙腰眇蟬峭魚則橫
海之鯨突杭孤遊憂巖敷偃高濤茹鮮甲吞龍舟喻波則洪連
大浪踈踏吹湧則百川倒流或乃躡蹠窮波陸死塩田巨鱗插
雲蒼鬣刺天顛骨成嶽流膏爲淵若乃巖坻之隈沙石之嶽毛
翼產穀剖外成禽鳧雛離徒鶴子林浚羣飛侶浴戲廣浮深翔
霧連軒洩洩淫淫翻動成雷擾翰爲林更相叫嘯詭色殊音若
乃三光既清天地融朗不泚陽侯乘蹻龍氣絕往觀安期於蓬
萊見喬山之帝像羣仙縹渺餐玉清漙履阜鄉之留鳥被羽翮
之慘纒翔天沼戲窮溟飄有形於無欲永悠悠以長生且其爲

器也包乾之奧括坤之區惟神是宅亦祇是廬何奇不有何在
不儲茫茫積流含形內虛曠哉坎德卑以自居弘往納來以宗
以都品物類生何有何無

招海賈文

柳宗元

咨海賈兮君胡以利易生而卒離其形大海盪薄兮顛倒日月
龍魚傾側兮神怪噴突奔竄出并兮翔鵬振舞天吳九首兮更
笑迭怒垂涎問舌兮揮霍旁牛君不返兮終為虜咨海賈兮君
胡樂出幽險而疾平夷胸駭愁苦而以忘其歸上黨易野恬以
舒岐路脉布蒲九區出無入有而貨俱君不返兮欲誰須膠鬲
得聖捐鹽魚范子去相安陶朱呂氏行賈南面狐弘羊心計登
謀謨煮鹽大冶九卿居祿秩山倭收國租賢智走諸爭下車道

遙縱傲世所趨君不返兮為愚咨海賈兮賈尚不可為而又海
是圖死為險魄兮生為貪夫亦獨何樂哉歸來寧君軀

古詩

遊赤石進帆海

謝靈運

首夏猶清和芳草亦未歇水宿淹晨暮陰霞屢興沒周覽倦羸
懦况乃凌窮髮川后時安流天吳靜不發揚帆采石華挂席拾
明月溟漲無端倪虛舟有超越仲連輕齊紀子牟戀魏闕矜名
道不足適已物可忽請附任公言終然謝天伐

望海

祖孝嚴

登高臨巨壑不知千萬里雲島相接連風潮無極已時看遠鴻
度乍見驚鷗起無待送將歸自然傷客子

觀海

隋煬帝

孟軻叙遊聖枚乘說瘡疾逃聽乃前聞臨深驗茲日浮天迴無
岸含靈固非一委輸百谷歸朝宗萬川溢分空碧霧晴連洲彩
雲密欣同夫子觀深愧玄虛筆

律詩

望海

周繇英華

蒼茫空泛日四顧絕人煙半浸中華岸旁通異域船島間應有
國波外恐無天欲作乘槎客翻然去隔年

送人南遊

賈島

此別天涯遠孤舟泛海中夜行常認火帆去每因風蠻國人多
富炎方語不同鴈飛難度嶺書信若為通

送人南遊

杜荀鶴

凡遊南國者未有不踈此到海路雖盡掛帆人更多潮沙分象
跡花洞響蠻歌縱有投文處於君能幾何

南海

曹松

傾騰漢界沃諸蠻立望何如畫此看無地不同方覺遠共天無
別始知寬文鮑隔霧朝含磬老蚌凌波夜吐丹萬狀千形皆得
意長鯨獨自轉身難

潮

羣書要語朝曰朝夕曰汐說文

詩句潮水定可信李白八月十八潮壯觀天下無坡

古今事實

子胥揚濤

吳王既賜子胥死乃取其屍盛以鴟夷之革浮之江中子胥因流揚波依朝來往蕩激隄岸勢不可禦或有見其乘白馬素車在潮頭者因為之立廟每歲仲秋既望潮水極大杭人以旗鼓逐之弄潮之戲蓋始于此然或有沉溺者臨安志

錢王射潮

梁開平四年武肅王錢氏始築捍海塘在候潮通江門之外潮水晝夜衝激版築不就因命強弩數百以射潮頭文致禱於胥山祠既而潮水避錢塘東擊西陵遂成隄岸

古今文集

林曾詩

雜著

海潮賦序

盧肇

夫潮之生因乎日也其盈其虛繫乎日也近代言潮者皆驗其及晦而絕過朔乃興月弦乃小贏月望乃大至以為水為陰類牽於月而高下隨之也遂為濤志定其朝夕以為萬古之式莫之逾也殊不知月之與海同物也物之同能相激乎易曰天地睽而其事同也男女睽而其志通也夫物之形相睽而後震動焉生植焉譬猶亨飴水盈而鼎而不覆之欲望膳羞之孰成五味之美其可得乎潮亦然也天之行健晝夜復焉日傳于天天右旋入海而日隨之日之至也水其可以附之乎故因其灼激而退焉退於彼盈於此則潮之往來不足怪也其小大之期則制

於月大小不常必有遲有速故盈虧之勢與月同體何以然日月合朔之際則潮始微絕以其至陰之物適於至陽是以陽之威不得肆焉陰之輝不得明焉陰陽敵故無進無退無進無退乃適平焉是以月之與潮皆隱乎晦此潮生之實驗也其朔其朧則潮亦隨之乃知日激水而潮生月離日而潮大斯不刊之理也古之人或以日如平地執燭遠則不見何其謬乎夫日之入海其必然之理乎且自朔之後月入不盡晝常見焉以至於望自望之後月出不盡晝常見焉以至於晦見於晝者未嘗有光必待日入於海隔以映之受光多少隨日遠近則光少遠則光多至近則甚虧至遠則大滿此理又足證夫日至于海水退於潮尤較然也

胥山祠銘 并序

盧元輔

元和十年冬十月朝散大夫杭州刺史上柱國盧元輔視事三歲塵天子書上畏群靈下懸蒸人乃啓真祠銘而序曰維唐敷祀典于天下廢淫置明資父事君罔有不舉寢廟既設我命厥新有周行人伍公字子胥陪吳之職得死直言國人求忠者之屍禱水星之舍將取鷓鴣革遂臨浙江千五百年廟號不改漢史遷曰胥山今云青山者繆也吁善父爲孝記曰父讎不與共戴天諫君爲忠經曰諸侯有諍臣不失國當枕于宋鄭絕楚出疆在平爲末官臣在奢爲既壯子坎壞伏節乞師於吳軍鼓丁寧於五戰至郢先詰王建邦啓土著以話言戴后惟人人虐惟后成湯用爲大義孔子立爲大經子胥脩爲大仇騷人賦爲大怨

咸令在上慢惡不生則前戈鞭墓非倒行也後戈走昭非逆施也夫差既王宰嚭受賂二十年内越祀又顛大伯廟血將乾闔閭劍光且矣公朝焉宴焉入則諫焉孰謂矢毒孰謂刀寒雖言屢出言而車申已困於齊美蟹稻已奪於戚美屬鏹之賜竟及其身嗚夷盛屍投于水濱憤非致怒配濤作神迄今日再至來也海鷗群飛陽侯夾從聲遠而近聲近而遠奮于吳拂于越夕于楚乃退於是仲秋闕望杭人以旗鼓逐之笳簫和之百城聚觀大耀威靈卷沙墨裂地灰截石岸圻成坑迎潮民格之如呂梁文人爲靈戈威矛激浪百重渚塞不先跳稽揭艇再飯之間絕其音聲蕩滂千里洪濤砥平有滑有脰有臑有腥遥實乎下庭山海梯航雞林扶桑交臂于卯塔金狄在戶雷鼓在堂魏

樽漢豆六代笙簧可謂奉天爵之馨香獲入神之盛禮佐皇震怒驅比太邪萬里永清人觀吐氣銘曰

武王鉞紂 子胥鞭平 爲人爲父 十死一生 矯矯伍員 執弓挾矢 仗其寶劍 以謁吳子 稽首楚罪 皆中紂理 蒸報子妻 殲鉏直士 赫赫王閭 實聽奇謨 錫之金鼓 以號以誅 黃旗大舉 右廣皆朱 戮墓非豬 瞻昭乃鳥 後王嗣立 執書以泣 顛越言潤 宰嚭讒輯 步光欲飛 姑蘇待執 吾則切諫 抉眼不入 投于河上 自古波濤 晝夜兩至 懷沙類騷 洗滌南北 歟蕩東西 夷蠻卉服 罔敢不來 雖非命祀 不讓瀆齊 帝帝王王 代代明明 表我忠誠

海潮圖序

余安道

古之言潮者多矣。或言如橐籥翕張，或言如入氣呼吸，或云海
 鮪出處，皆亡經據。唐世盧肇著海潮賦，以謂日入海而潮生，月
 離日而潮大，自謂極天人之論。世莫敢非予。嘗東至海門，南至
 武山，旦夕候潮之進退，望視潮之消息，乃知盧氏之談出於
 胸臆，所謂蓋不知而作者也。夫陽燧取火於日，陰鑪取水於月，
 從其類也。潮之漲退，海非增減，蓋月之所臨，則水往從之。日月
 右轉，而天左旋。一日一周，臨於四極。故月臨卯酉，則水漲乎東，
 西月臨子午，則潮平乎南北。彼竭此盈，往來不絕，皆繫於月，不
 繫於日。何以知其然乎？夫晝夜之運，日東行一度，月行十三度，
 有奇。故太陰西沒之期，常緩於日三刻。有奇。潮之日，緩其期率

亦如是。自朔至望，常緩一夜。潮自望至晦，復緩一晝。潮若因日
 之入海激而為潮，則何故緩不及期？常三刻有奇乎？肇又謂月
 去日遠，其潮乃大。合朔之際，潮殆微絕。此固不知潮之準也。夫
 朔望前後，月行差疾。故晦前三日，潮勢長；朔後三日，潮勢極大。
 望亦如之。非謂遠於日也。月弦之際，其行差遲。故潮之去來，亦
 合者不盡。非謂近於日也。盈虛消息一之於月。陰陽之所以分
 也。夫春夏晝潮常大，秋冬夜潮常大。蓋春為陽中，秋為陰中。歲
 之有春秋，猶月之有朔望也。故潮之極漲，常在春秋之中。濤之
 極大，常在朔望之後。此又天地之常數也。昔竇氏為記，以謂潮
 虛於午。此候於東海者也。近燕公著論，以謂生於子。此測於南
 海者也。又嘗問於海賈，云潮生東南。此乘舟候潮而進退者耳。

今古之說以爲地缺東南水歸之海賈云潮生東南亦近之矣
今通二海之盈縮以誌其期西北二海所未嘗見故闕而不紀
云嘗候於海門月加卯而潮平者日月合朔則旦而平緩三刻
有奇上弦則午而平望已前爲晝潮望已後爲夜潮此皆臨海
之候也遠海之處則各有遠近之期月加酉而潮平者日月合
朔則日入而潮平上弦則夜半而平望則明日之旦而平望已
前爲夜潮望已後爲晝潮此東海之潮候也又嘗候於武山廣州
月加午而潮平者日月合朔則午而潮平上弦則日入而平
望則夜半而平上弦已前爲晝潮上弦已後爲夜潮月加子而
潮平者日月合朔則夜半而潮平上弦則日出而平望則午而
平上弦已前爲夜潮上弦已後爲晝潮此南海之潮候也

論潮

高麗圖經云潮汐往來應期不爽爲天地之至信古人嘗論之
在山海經以爲海鱗出入之度浮屠書以爲神龍之變化竇叔
蒙海嶠志以爲水隨月之盈虧盧肇海潮賦以謂日出于海衝
擊而成王充論衡以爲水者地之血脉隨氣進退率未之盡大
抵天包水水承地而一元之氣升降於太空之中地乘水力以
自持且與元氣升降互爲抑揚而人不覺亦猶坐於船中而不
知船之自運也方其氣升而地沉則海水溢上而爲潮及其氣
降而地浮則海水縮而爲汐計日十二辰由子至巳其氣爲陽
而陽之氣又自有升降以運乎晝由午至亥其氣爲陰而陰之
氣又自有升降以運乎夜一晝一夜合陰陽之氣凡再升再降

故一日之間潮汐皆再焉。然晝夜之攻擊乘日升降如應乎月。日臨於子則陽氣始升。月臨於午則陰氣始升。故也。夕潮之期日皆臨子。晝潮之期月皆臨午焉。又日行遲月行速以速應遲。每二十九度過半而月行及之。日月之會謂之合朔。故月朔之夜潮日亦臨子。月朔之晝潮日亦臨午焉。且晝即天上而言之。天躔西轉日月東行。自朔而往月速漸東至於漸遲而潮亦應之以遲於晝。故晝潮自朔後迭差而入於夜。此所以一日午時二日午末三日未時四日未末五日申時六日申末七日酉時八日酉末也。至夜即海下而言之。天躔東轉日月西行。自朔而往月速漸西至於漸遲而潮亦應之以遲於夜。故夜潮自朔後迭復而入於晝。此所以一日子時二日子末三日子末四日丑

末五日寅時六日寅末七日卯時八日卯末也。以時有交變氣有盛衰而漸潮之所至亦因之為大小。當卯酉之月則陰陽之交也。氣以交而盛故潮之大也。獨異於餘月。當朔望之後則天地之變也。氣以變而盛故潮之大也。獨異於餘月。今海中有魚獸殺取皮而乾之。至潮時則毛皆起。豈非氣感而類應之自然歟。
臨安志

辨胥濤之妄

儒書言吳王夫差殺伍子胥。煮之於鑊。盛以囊投之於江。子胥悲恨臨水為濤。以溺殺人。夫言吳王殺子胥投之于江實也。言其悲恨臨水為濤虛也。且衛蘄子路漢京彭越子胥之勇不過子路彭越然一人尚不能發怒於鼎鑊之中。胥亦自先入鼎鑊

後乃入江在鑊之時其神豈怯而勇於江水哉何其怒集前後之不相副論衡

浙江潮聲

海潮來皆有漸唯浙江濤至則常如山岳奮如雷電水岸橫飛雪崖傍射澎騰奔激吁可畏也其湍怒之理可得聞乎曰或云夾岸有山南曰龜北曰赭二山相對謂之海門岸夾勢迫湧而為濤若言狹逼則東溟自定海吞余姚奉化二江俾之浙江充狹逼潮來不聞有聲又何也叢語

戒弄潮文

蔡襄

斗牛之分吳越之中維江濤之最雄乘秋風而益怒乃其習俗于以遊觀厥有善泅之徒競作弄潮之戲以父母所生之遺體

投龍魚不測之深淵自為矜夸時或沉溺精魄永淪於泉下妻孥望哭於水濱生也有涯蓋終於天命死而不甦重棄於人倫推予不忍之心示爾無窮之戒所有今年觀潮並依常例其軍人百姓輒敢弄潮必行科罰

律詩

杭州觀潮

姚合

樓有章亭號濤來自古今勢連滄海闊色比白雲深怒雷驅寒氣狂雷散大音浪高風更起波急石難沉鳥懼多過龍驚不敢吟切如開玉穴危似走瓊岑但視千人魄那知在相心岸推連古道洲漲踏叢林跡沫山皆濕當江日半陰天然與禹鑿此理遠難尋

和運使舍人觀潮

范希文

何處潮偏盛。錢塘無與儔。誰能問天意。獨此見濤頭。海浦吞來盡。江城打欲浮。勢雄驅島嶼。聲怒戰貔貅。萬疊雲纒起。千尋練不收。長風方破浪。一氣自橫秋。高岸驚先裂。群源怯倒流。騰凌大鯤化。浩蕩六鰲遊。北客觀猶懼。吳兒弄弗憂。子胥忠義者。無覆巨川舟。

又和

范希文

把酒問東溟。潮從何代生。寧非天吐納。長逐月虧盈。暴怒中秋勢。雄蒙半夜聲。堂堂雲陣合。屹屹雪山行。海尚雷霆聚。江心瀑布橫。巨帆連地震。群檝望風迎。踊若蛟龍鬪。奔如雨電驚。衆知千古信。廻見百川平。破浪功難敵。驅山力可并。伍胥神不泯。憑

此發威名

觀潮

劉禹錫

八月濤聲吼地來。頭高數丈觸山廻。源更却入海門去。卷起沙堆似雪堆。

橫江詞

李白

浪打天門石壁開。海神來過惡風廻。浙江八月何如此。潮似連山噴雪來。

送章孝標歸杭州

楊巨源

曾過靈隱江邊寺。獨宿東樓看海門。潮色銀河鋪碧落。日光金柱出紅盆。

八月十五看潮

蘇子瞻

八月十五看潮

定知玉兔十分圓。已作霜風九月寒。寄語重門休上鎖。夜潮留向月中看。

又

萬人鼓噪。儼其儼。猶似浮江老阿童。欲識潮頭高幾許。越山無數浪花中。

望海樓

蘇子瞻

海上濤頭一線來。樓頭指顧雪成堆。從今潮上君須上。更看銀山十二回。

又

江神河伯兩醜雞。海若東來氣吐霓。安得夫差水犀手。三千強弩射潮低。

觀濤

朱慶餘

木落霜飛天地清。空江百里見潮生。鮮飈出海魚龍氣。晴雪噴山雷鼓聲。雲日半陰川漸滿。客帆皆過浪難平。高樓曉望無窮意。丹葉黃花繞郡城。

潮

羅隱

怒聲洶洶勢悠悠。羅刹江邊地欲浮。謾道往來存大信。也知翻覆向平流。任拋巨浸疑傾底。猛過西陵似有頭。至軍朝昏誰主掌。好騎頽尾問陽侯。

新編古今事文類聚前集卷之十五終

[Faint bleed-through text from the reverse side of the page]

新編古今事文類聚前集卷之十六

建安 祝穆 和父 編

金陵 唐富春 子和 刊

地道部

江

羣書要語江貢也所出珍物可獻貢也風俗通九江孔殷禹貢
岷山導江東別為沱禹貢三江既入震澤底定注岷江為大江
至九江為中江至金陵為北江蓋一源而三目禹貢江水始出
岷山其源可以濫觴及其至于江津不舫楫不避風不可以涉
家語四瀆江河淮濟晉天文志冷相源兮無波使江水兮安流

事文類聚前集

卷之十六

一

楚辭

古今事實

龍負禹舟

禹南省方濟乎江黃龍負舟舟中之人失色無主禹仰視天而嘆曰吾受命於天竭力以養民死命也余何憂於龍焉龍俛耳曳尾而逝呂氏春秋

楚王萍實

楚昭王渡江有物大如斗圓而赤直觸王舟舟人取之王大恠使之魯問孔子孔子曰此萍實也可割而食之吉祥惟霸者能獲之使反王遽食之甚美家語

子胥渡江

伍胥奔吳追者在後至江江上有一漁父乘船知伍胥之急乃渡之胥既渡解劍直百金與父父曰楚國之法得伍胥者爵執珪豈徒百金劍耶不受

羽不渡江

漢兵追項羽羽遂引東欲渡烏江烏江亭長艤船待謂羽曰江東雖小地方千里衆數十萬亦足王也願大王急渡羽笑曰縱江東父老憐而王我何面目自見之哉

江限南北

吳孫權黃武四年魏文帝臨江觀兵有渡江之志帝見波濤洶涌歎曰固天所以限南北也遂歸

囊沙塞江

事文類聚前集

卷之四十六

二

此江與開關俱生寧可以沙囊塞若不如孤言當以牛千頭為君作主人也權下詔曰呂岱諸葛恪道步騭說北人欲以布囊盛土塞江每讀此表令人失笑此江自天地以來寧可塞者乎

五馬渡江

晉元帝時童謠云五馬爭渡江一馬化為龍

擊楫渡江

晉祖逖為奮威將軍及渡江中流擊楫而誓曰不清中原而復濟者有如大江

古今文集

雜著

江賦

郭璞

咨五才之並用寔水德之靈長惟岷山之導江初發源於濫觴
聿經始於洛汭權萬川乎巴梁衝巫峽以迅激躋江津而起漲
極泓量而海運狀滔天以淼茫總括漢泗兼包淮湘并吞沅澧
汲引沮漳源二分於岷岷流九派乎潯陽鼓洪濤於赤岸滄餘
波於柴桑網絡群流商摧滄澮表神委於江都混流宗而東會
注五湖以漫漭灌三江而瀚沛滴汗六州之域經營炎景之外
所以作限於華裔壯天地之嶮介呼吸萬里吐納靈潮自然往
復或夕或朝激逸勢以前驅乃鼓怒而作濤娥眉為泉陽之揭
玉壘作東別之標衡霍磊落以連鎮巫盧嵬嶺而比嶠協靈通
氣瀆薄相陶流風蒸雷騰虹揚霄出信陽而長邁宗大壑與沃

焦若乃巴東之峽夏后疏鑿絕岸萬丈壁立霞駭虎牙山名嶸
樹以屹率荆門山名闕竦而磐礴圓淵九迴以懸騰溢流雷响
而電激駭浪暴灑驚波飛薄迅瀆增澆湧湍疊躍砢岩鼓作瀾
澹擊濤湧灑灑蔽潰瀆滴湟湟決滄澗闖淪旋滾榮營浪
瀾瀾暴瀾或盡洄龍鱗結絡碧沙遺泥而往來巨石磳砢以前
却潛演之所泊湏奔瀉之所淡錯厓隩為之泐崎磳嶺為之崕
嶠幽澗積阻磐砢管確若乃曾澤之府靈湖之淵澄澹汪光瀟
混因玄泓泓洞滢滢鄰圃潏潏混潏顯湏流映揚煇瀟滟汗
汗汨汨察之無象尋之無邊氣滃渟以霧杳時鬱律其如煙類
胚渾之未凝象大極之構天長波夾洑峻湍崔嵬盤渦谷轉凌
濤山頽陽侯破砢以岸起洪瀾宛演而雲迴滔淪滾滾下浥下

堆敏如地裂豁若天開觸曲厓以縈繞駭崩浪而相礪鼓唇窟
以瀚勃乃滄湧而駕隈魚則江豚海狶叔鮪玉鱣鱗鱖鮪鮫
鯢鯨鯉或鹿駘象鼻或虎狀龍顏鱗甲鏗錯煥爛錦斑揚鬣掉
尾噴浪飛涎排流呼哈隨波遊延或曝采以見淵或嚇鯨乎巖
間介鯨乘濤以出入鱖鮪順時而往還爾其水物怪錯則有玉
珧海月土肉石華瑣蛸腹蟹水母目蝦紫虻如渠洪蚌專車瓊
玕晞曜以瑩珠石蚌應節而揚葩踞踞森森以垂翅玄螭魄
而碾砢或泛飲於潮波或混淪乎泥沙若乃龍鯉一角奇鶴九
頭有鱉三足有龜六眸頰鱉肺躍而吐璣文鮪磬鳴以孕瓊條
蟾拂翼而掣耀神蜈蝮輪以沈遊驛馬騰波以噓蹂水兕雷咆
乎陽侯淵客築室於岩底鮫人構館于懸流電布餘糧星離沙

鏡青綸競紉組爭映紫菜熒擘以叢被綠苔鬚髮乎研滑石
上石帆蒙籠以蓋岫萍實時出而漂沫其下則金礦丹礫雲精
蠟銀瑤玢瀟瑰水碧潛瑤鳴石列於陽者浮磬肆乎陰濱或頰
彩輕漣或灼曜涯鄰林無不溽岸無不津其羽族也則有長鵲
天雞鷓鴣鷓鴣陽鳥爰翔于以玄月千類萬聲自相喧聒濯翻
疏風鼓翅翻羽揮弄灑珠拊拂瀑沫集若霞布散如雲豁產靴
積羽往來勃碣檉杞積薄於潯沃楊槐森嶺而羅峯桃枝首當
實繁有叢葭蒲雲蔓櫻以蘭紅揚臨眊擢紫葇蔭潭隩被長江
繁蔚芳離隱藹水松涯灌芊蕒潛蒼葱龍鮫躡蹠於垠隩獮
獮耽瞞乎厥岸也空迅蜚臨虛以騁巧孤獲登危而雍容夔指
翹陸於夕陽鴛雛弄翻乎山東因岐成渚觸澗開渠漱壑生浦

區別作湖路之以激翼濼之以尾閭標之以翠翳泛之以遊菰
播匪藝之芒種挺自然之嘉葩鱗被菱荷措布水菰翹葦瀟瀟
濯潏散裹隨風倚菱與波潭池流光潛映景炎霞火其滂則有
雲夢雷池彭蠡青草具區洮滿珠漣丹渚極望數百沈瀼晶滌
爰有包山洞庭巴陵地道潛達傍通幽岫窈窕金精玉英瑱其
裏瑤珠恠石碎其表驪蚌膠其址梢雲冠其嶠海童之所巡遊
琴高之所靈矯水夷倚浪以傲倪江妃含嚔而聯眇撫凌波而
鳧躍吸翠霞而天矯若乃宇宙澄寂八風丕翔舟子於是擲掉
涉人於是棹榜漂飛雲運舩舩相屬萬里連檣泝洄汭流
或漁或商赴交易投幽浪竭南極窮東荒爾乃謁隸零祿於清
旭覘五兩之動靜長風颭以增扇廣莫颯而氣整徐而不飈疾

而不猛鼓帆迅越超漲截洞凌波縱施電往杳溟靈如晨霞孤
征眇若雲翼絕嶺倏忽數百千里俄頃飛燕無以瞻其縱渠黃
天子八駿不能企其景於是虜人漁子擯落江山衣則羽褐食
惟蔬鱸浮澗為涖夾漈羅笏筒灑連鋒曾雷比船或揮輪於懸
碕或中瀨而橫旋忽忘夕而宵歸詠採菱以叩舷傲自足於一
嘔尋風波以窮羊爾乃域之以盤嚴豁之以洞壑疏之以沲汜
鼓之以朝夕川流之所歸湊雲霧之所蒸液珍恠之所化產瑰
竒之所窟宅納隱淪之列真挺異人乎精魄播靈澗於千里越
岱宗之觸石及其譎變儵恍符祥非一動應無方感事而出經
紀天地錯綜人術妙不可盡之於言事不可窮之於筆若乃岷
精垂曜於東井陽侯遯形於大波竒相去声竒相江神也得道

而宅神乃協靈爽於湘娥駭黃龍之負舟識伯禹之興嗟壯荆
飛之擒蛟終成氣乎太阿悍要離之圖慶在中流而推戈悲靈
均之任石歎漁父之權歌想周穆之濟師驅駭於鼉鼉感交甫
之喪珮慙神使之嬰羅煥天塊之流形混萬盡於一科保不虧
而求固稟元氣於靈和考川瀆之妙觀實莫著於江河
古詩

渡新安江貽京邑遊好

沈約

眷言訪丹客茲川信可珍洞徹隨深淺皎鏡無冬春千仞寫高
樹百丈見遊鱗滄浪有時濁清濟涸無津豈若乘斯去俯映石
磷磷紛吾隔置浮寧可濯衣巾願以潺湲水露君纓上塵

入郴江

薛道衡

仗節遵嚴會揚舲，沂急流征塗非白馬。水勢類黃牛，跳波鳴石
磧。濺沫擁沙洲，岸迫槎倒轉。灘長船却浮，綠崖須斷挽。挂壁屢
移鈎，還憶青驄東方來上頭。

夜渡吳松江懷古

宋之問

宿帆震澤口，曉渡松江濱。棹發魚龍氣，舟衝鴻雁群。寒潮頓覺
蒲暗浦，忽將分氣赤。海生日光清，湖起雲水鄉。盡天衛歎息為
吳君，謀士仗劍死君今悲所聞。

律詩

九江口東濟北接斬春南與潯陽岸 蘇味道

江路一悠哉，滔滔九派來。遠潭昏似霧，前浦沸成雷。鱗介多潛
育，漁商幾泝洄。風搖蜀柿下，日照楚萍開。近漱湓城曲，斜吹蠡

澤隈。錫龜猶入貢，浮獸罷為災。津吏揮撻疾，郵僮整傳催。歸心
詎可問，為視落潮迴。

日口阻風

白居易

洪濤波浪塞江津，處處遄迴事事遲。世上方為失途客，江頭又
作阻風人。魚蝦遇雨腥盈甕，蚊蚋和煙癢病身。老大光陰能幾
日，等閑日口坐經旬。

灩澦

杜甫

灩澦既沒孤根深，西來水多愁太陰。江天漠漠鳥飛去，風雨時
時龍一吟。舟人漁子歌回首，沽客胡商淚滿襟。寄語舟航惡年
少，休翻鹽井橫黃金。

淮

羣書要語淮圍也圍繞揚州北界東至海釋名導淮自桐柏禹

貢排淮泗而注之江孟子淮夷其乂尚書鼓鍾伐鼗淮有三洲

詩橘踰淮而北為枳周禮雀入于淮為蜃國語淮夷蠙珠暨魚

禹貢

詩句清淮無波平如席韓文淮之水舒舒韓

古今事實

召公平淮

宣王命召公平淮夷

兵賦之淵

唐第五琦曰兵賦之所出以江淮為淵本傳

古今文集

雜著

浮淮賦

後漢王燦

從王師以南征兮浮淮水而遐逝背渦浦之曲流兮望馬丘之高滋泛洪櫓於中潮兮飛輕舟于濱濟建象檣以成林兮譬無山之樹藝於是迅風興與濤征鼓若雷旌旄翳日飛雲天迴若鷹飄逸逝相競軼凌驚波以高驚馳駭浪而赴躡如舟徒之巧極羨榜人之閑疾白日未移前駟已屆群師按部左右就隊舳舻千里名卒億計運茲威以赫怒清海隅之帶芥濟元勳於一舉垂休績於後裔

浮山堰賦序

秦少游

梁武帝天監十三年用魏降人王足計欲以淮水灌壽陽乃假太子右衛康絢節督卒二十萬作浮山堰於鍾離而淮流湍駛漂疾將合復潰或曰淮有蛟龍喜乘風雨壞岸其性惡鐵絢以為然乃引東西冶鐵器數千萬斤益以薪石沈之猶踰年乃合堰表九里水逆淮而上所蒙被甚廣魏人患之果徙壽陽戍頓八公山餘民分就岡壠未幾淮暴漲堰壞奔于海有聲如雷水之恠袂蔽流而下死者數十萬人初鎮星犯天江而堰實退舍而壞嗚呼異哉

古詩

淮之水

徐仲車

淮之水淮之水春風吹春風洗青於藍綠染精魚不來鷗不起
漱漱艷艷天盡頭祇見孤帆不見舟殘陽欲落未落處盡是人
間今古愁可奈何可奈何莫使騷人問棹歌我曹盡是浩歌客
笑聲酒向春風和

長淮謠

馬子才

長淮之水青如苔行人但覺心眼開湘江豈無水魚腹忠魂埋
但見愁雲結雨猿聲哀浙江豈無水鷓鴣革漂香骸但見潮頭怒
氣如山來孤臣詞客到江上何以寬心懷長淮之水連楚流先
生家住淮上頭黃金萬斛浴明月碧玉一片含清秋酒花起舞
歌一聲淮上百物無閑愁

河

羣書要語道河自積石至于龍門南至于華陰北至于砥柱東至于孟津東過洛汭至于太伾北過降水至于大陸又北播為九河同為逆河入于海禹貢砥柱山禹鑿之以通河河水分流包山而過山見水中若柱然故曰砥柱水經崑崙山河水出焉山海經河有兩源一出葱嶺一出于闐在南山下其河北流與葱嶺河合東注蒲昌海漢書誰謂河廣詩蕭航之詩河出圖易係丹丘千年一燒黃河千年一清皆至聖之君以為瑞又曰黃河清而聖人生王子年拾遺記河水清天下平京房易傳河自冀之大陸北流入兖分為九道故兖州所以首言九河既導即

爾雅所謂一曰徒駭二曰太史三曰馬頰四曰覆釜五曰胡蘇六曰簡七曰潔八曰鈞盤九曰萬津是也書注河下龍門流駛竹箭駟馬追不可及慎子清濟貫黃河截流而不混六帖黃河如帶漢封功臣誓暴虎馮河死而無悔語偃鼠飲河不過滿腹道遙宣房水之靈府爾雅

古今事實

河出圖

伏羲氏受河圖則而畫之八卦前五行志舜即位與三公臨河觀黃龍五采負圖出置舜則以黃金為繩白圭為檢河圖大禹觀於濁河而受綠字晉地理志河出馬圖孔運熒光塞河

武王沉璧而燦光塞河注燦光五色從水中出尚書中候

白魚入舟

武王渡河中流白魚躍入于王舟中本紀

有如白水

晉文公入及河子犯以璧投公子曰臣之罪甚多請由此亡公
子曰所不與舅氏同心者有如白水投其璧于河左傳僖公二
十四年

負石沉河

申屠狄言非其時將投于河崔喜聞而止之曰聖人仁人之父
毋也今此濡足之故不救溺人可乎申屠狄曰昔桀殺龍逢比
子而亡天下與殺子胥陳殺洩治而滅其國非無聖知不用故

也遂負石而沉于河韓詩外傳

美哉山河

吳起為魏西河守武侯浮西河而下中流顧謂起曰美哉山河
之固此魏國之寶也起曰在德不在險昔三苗氏左洞庭右彭
蠡德義不脩禹滅之身桀之居左河濟右泰華伊闕在其南羊
腸在其北脩政不仁湯放之紂之國左孟門右太行常山在其
北大河經其南修政不德武王殺之由此觀之在德不在險君
若不修德舟中之人盡為敵國也武侯曰善

負薪填河

漢文帝時河決酸棗潰金隄元光中孝武決瓠子於是天子臨
河沉白馬玉璧令群臣自將軍以下皆負薪填河而取淇園之

事文類聚前集卷之十六

竹以為隄天子既臨河悼功之不成乃作瓠子之歌

張騫窮河

張騫使大夏窮河源惡覩所謂崑崙者乎本傳

投之黃河

唐哀帝天祐二年獨孤捐裴摠崔遠並罷政事柳璨李振請於朱全忠再貶摠捐遠為瀧漫白三州司戶全忠聚樞等及朝士貶官者三十餘人於白馬驛一夕盡殺之投屍于河初李振屢舉不中第故深疾搢紳之士言於全忠曰此輩常自謂清流宜投之黃河使為濁流全忠笑而從之

古今文集

雜著

大河賦

晉成公綏

覽百川之弘壯兮莫尚羨於黃河潛崑崙之峻極兮出積石之巖峩登龍門而南遊兮拂華陰與曲阿凌砥柱而激湍兮踰汭洛而揚波體委蛇於后土兮配靈漢於穹蒼晉中夏之畿甸兮經朔狄之遐荒歷二周之北境兮流三晉之南鄉秦自西而啓壤兮齊據東而畫疆殷徒涉而永固衛遷濟而遂強趙決流而却魏嬴引溝而滅梁思先哲之攸歎何水德之難量

古詩

瓠子歌

漢武帝

瓠子決兮將柰何皓皓肝肝間殫為河為我謂河伯兮何不仁宣房塞兮萬福來

事文類聚前集

卷之十六

十一

孟秋

泛黃河

孟郊

誰開崑崙源流出混沌河積雨飛作風驚龍噴為波湘瑟颺颺
弦越賓鳴咽歌有恨不可洗虛此來經過

律詩

黃河

羅隱

莫把阿膠向此傾此中天意固難明解通銀漢應須曲纜出崑
崙便不清高祖誓功衣帶小仙人占守客棹輕三千年後知誰
在何必勞君報太平

汴河

羅隱

當時天子是閑遊今日行人特地愁柳色縱饒粧故國水聲何
忍到揚州乾坤有意終難會黎庶無情豈自由應笑秦皇用心

錯謾驅神鬼海東頭

濟

羣書要語濟濟也言源出河北濟河而南也釋名導沅水東流

為濟入于河溢為滎禹貢濟水宜麥淮南子鸚鵡不踰濟周官

詩句濁河終不汚清濟杜甫

古今事實

秩視諸侯

四瀆江河淮濟何以視諸侯能蕩滌垢濁焉能通百川於海焉
能蕩出雲雨焉為德美甚故視諸侯也劉向說苑

古今文集

事類彙編前集

卷之十六

三

雜著

祭濟瀆文

後魏李文帝

乾光資耀坤載播液惟瀆暢靈協輝陰辟庶象憑和升降芳瀝
蘊神包花比土宜積溫方涌瑞沈源道濟引流通滄實存四體
作潤岱垎含雲吐醴淵波湛湛川風瀾瀾瞻洪津而懷德乘長
波而欽智沈龍儀之郁穆璿玉軒而浮被沉璋璧之明物冀牲
潔以歸寄

洛

渭注漢河附

羣書要語洛之為言釋也言水釋釋光耀也春秋說題辭洛出
書聖人則之易瞻彼洛矣維水泱泱小雅洛字或作雒初漢水

行忌水故洛去水而加隹魏為土行土水之母水得土而流土
得水而柔故去隹加水魚豢典畧導洛自熊耳東北會于瀨

禹貢維水輕利宜水淮南子

渭導渭自鳥鼠穴禹貢秦居渭陽而水數赤瑞應之効也漢書

涇涇以渭濁湜湜其止詩秦有水指泊泥淖橈混沙磧乃合清

渭自彰穢迹故名曰濁涇柳愚溪對

漢嶠冢道深東流為漢禹貢滔滔江漢南國之紀詩江漢沮漳

楚之望也左傳

古今事實

獲瑞稱王

湯時有神牽白狼噬鈞入殷朝者乃東觀沉璧于洛獲黃魚黑

事文類聚前集

卷之十六

十一

玉之瑞於是始受命稱王帝王世紀

龜圖出洛

天乃錫禹洪範九疇彞倫攸叙孔安國注疇類也天與禹洛出書神龜負文而出列於背有數至于九禹遂囚而第之以成九類

周公卜洛

召公既相宅周公往營成周使來告卜洛諾曰我又卜瀍水東亦惟洛食

太公釣渭以下係渭

太公釣于渭西伯將獵卜曰所獲非龍非罔非熊非羆所獲霸王之輔於是西伯獵果遇太公於渭之陽與語大悅史記

渭水貫都

秦始皇復道向阿房宮渡渭屬之咸陽史記渭水貫都以象天極三輔首屆

出中渭橋

張釋之為廷尉漢文帝出中渭橋有一人從橋下走出乘輿馬驚使騎捕屬廷尉奏此人犯蹕罰金

渭水天星

漢武帝時蜀張寬為待中從祀甘泉至渭橋有女子浴於清水乳長七尺恠其異遣問之女曰帝後第七車知我所來時寬在第七車對曰天星主祭祀者齋戒不潔則女人見陳壽益部耆舊傳

涇水溉田 此係涇水

韓聞秦之好興利欲罷之無令東伐乃使水工鄭國間說秦令鑿涇自中山西控瓠口為渠溉田漢武時趙中大夫白公奏築渠引涇水溉田名白渠人得其饒歌曰田於何所池陽谷口鄭國在前白渠起後舉鋪為雲決渠為雨涇水一石其泥數斗且溉且糞長我苗黍本食京師億萬之口

化行江漢 以下係漢水

漢廣德廣所及也文王美化行乎江漢之域

濟漢誓汎

蔡昭侯為兩佩與兩裘以如楚獻一珮一裘於昭王子裳欲之三年不與蔡侯歸及漢執玉而沉曰余所濟漢而南者有如大

川左傳

漢皇解珮

昔鄭交甫過漢皇遇二女妖服珮兩珠交甫與之言曰願請子之珮二女解珮與交甫懷之而去十步探之則亡矣回顧二女亦不見 韓詩

沔水斬蛟 以下係沔水

沔水隈潭極深先有蛟為害鄧遐為襄陽太守拔劍入水蛟繞其足遐自揮劍截蛟數段流血水丹蛟患自息 咸弘之荊州記

沉碑沔水

沔水東經萬山下有潭昔杜元凱好名作兩碑述己功一碑在峴山一碑沉此潭中曰千載之後何知不深谷為陵 水經

洛神賦

曹植

宓妃宓犧氏之女溺洛水為神託而賦焉

黃初二年余朝京師還濟洛川古人有言斯水之神名曰宓妃感宋玉對楚王說神女之事遂作斯賦其詞曰

余從京師言歸東藩北過伊闕越軒轅經通谷凌景山容與乎陽林流盼乎洛川覩一麗人于巖之畔乃援御者而告之曰彼何人斯若斯之艷也御者對曰臣聞河洛之神名曰宓妃君王所見母乃是乎余告曰其形也翩若驚鴻婉若游龍鬋髮兮若輕雲之蔽月飄飄兮若流風之迴雪於是忽然從體以游以嬉左

倚采旄右蔭桂旗攘皓腕於神滄兮採滿瀨之玄芝余情悅其倣美兮心振蕩而不怡無良媒以接歡兮託微波而通辭收和顏而靜志兮申禮防以自持於是洛靈感焉徒倚徬徨竦輕軀以鶴立若將飛而未翔爾乃衆靈雜遝命儻嘯侶或窺清流或翔神渚或採明珠或拾翠羽從南湘之二妃携瀛賓之遊女體迅飛鳧飄忽若神凌波微步羅襪生塵於是屏翳收風川后靜波馮夷鳴鼓女媧清歌騰文魚以誓衆鳴玉鑾以借逝六龍儼其齊首載雲車之容裔鯨鯢泝而夾轂水禽翔而為衛於是越北沚過南岡動朱唇以徐言陳交接之大綱恨入神之道殊怨盛年之莫當無微情以効愛獻江南之明璫雖潛處於太陰長寄心於君王忽不悟其所舍思綿綿而增慕夜耿耿而不寐

繁霜而至，曙命僕夫而就駕。吾將歸乎東路，攬駢轡以抗策。悵盤桓而不能去。

古詩 係渭

至渭源

後周宇文通

渭源奔鳥兇，輕潤起客亭。淺淺蒲澗響，蕩蕩竟川鳴。蒲生稱運石，馮子聽波聲。斜去臨天半，橫來對始平。合流應不雜，方知性本清。

律詩 係涇

日暮望涇水

徐玠

導源經隴阪，屬汭貫嘉都。下瀨波常急，廻圻溜亦紆。毒流秦卒斃，泥糞漢田腴。獨有迷津客，懷歸軫暮途。

古詩 係漢

渡漢水

李百藥

東流既瀰瀰，南紀信滔滔。水激沉碑岸，波駭弄珠臯。含星映淺石，浮蓋下奔濤。潏濶霞光近，川長曉氣高。檣烏轉輕翼，戲鳥落風毛。客心既多緒，長歌且代勞。

律詩 係沔

公安送李十一弟入蜀余下沔鄂

杜甫

正解柴桑纜，仍看蜀道行。檣烏相背發，寒鴈一行鳴。南紀連銅柱，西江擁錦城。憑將百錢卜，飄泊問君平。

名洞庭荆州記云宮草即彭蠡澤也一名應澤青草湖一名洞庭湖雲夢澤一名巴丘湖凡此並昭昭尤著也初學記受三方之灌溉為百川之巨都追潮水而往還通蓬萊與瀛洲晉楊泉賦湘江北流至岳陽達蜀江夏滌後蜀江漲過往湘波益為洞庭凡數百里而君山宛在水中秋水歸此山復居于陸惟一條湘川而已北夢瑣言

詩句攀崖照石鏡牽葉入松門謝靈運彭蠡氣蒸雲夢澤波撼岳陽城孟浩然洞庭鑑湖五月涼李白若把西湖比西子淡粧濃抹兩相宜東坡

古今事實扁舟五湖

勾踐城吳謂范蠡曰吾將與子分國而有之蠡曰君行令臣行意乃乘扁舟浮五湖終不返先賢傳

今巢湖古巢縣一日江漲港有巨魚取以貨于市合縣食之有一老姥獨不食遇老叟曰此吾子也汝獨不食吾厚報汝若東門石龜目赤城當陷姥曰往視有稚子訝之姥以實告稚子欺之以采傳龜目姥見即出城有青衣童子曰吾龍之子乃引姥登山而免青瑣高議

詔賜鑑湖

賀知章請為道士還鄉里詔賜鑑湖剡川一曲

西湖

事類彙編前集 卷之十一
杭有西湖類亦有西湖皆為遊賞之勝東坡連守三州其初得類也有類人在坐云肉翰但只消遊湖中便可了郡事及守杭秦觀再有詩及此意

古今文集

雜著

秦脩西湖狀

蘇子瞻

昔西漢之末翟方進為丞相始決壞汝南鴻隙陂父老怨之歌曰壞陂誰翟子威飯我豆食羨羊斟及乎覆陂當復誰言者兩黃鵠蓋民心之所欲而託之天以為有神下告我也孫皓時吳郡上言臨平湖自漢末草穢壅塞今忽開通長老相傳此湖開天下平皓以為已瑞已而晉武帝平吳由此觀之陂湖河渠之

類又廢復開事關興運雖天道難知而民心所欲天必從之杭州之有西湖如人之有眉目蓋不可廢也唐長慶中白居易為刺史方是時西湖溉田千餘頃反錢氏置撈湖兵士千人日夜開浚自

國初以來稍廢不治水涸草生漸成葑田熙寧中臣通判本州則湖之葑合者蓋十二三年至今纔十六七年之間遂塞其半父老皆言十年以來水淺葑合如雲際空倏忽便滿更二十年無西湖矣使杭州無西湖如人而去眉目豈復為人乎臣愚較之竊謂西湖有不可廢者五天禧中故相王欽若奏以西湖為放生池禁捕魚鳥為人主祈福自是以來每歲四月八日郡人數萬會于湖上所放羽毛鱗介以百萬數皆西北向稽首仰祝

千萬歲壽若一旦堙塞使蛟龍魚鼈同為涸轍之鮒則臣子生
觀亦何心哉此西湖之不可廢者一也杭之為州本江海故地
水泉鹹苦居民零落自唐李泌始引湖水作六井然後民足於
水井邑日富百萬生靈待此而汲食今湖狹水淺六井漸壞若
二十年之後盡為葑田則舉城之人飲鹹苦其勢必自耗散此
西湖之不可廢者二也白居易作西湖石函記云放水溉田每
減一寸可溉十五頃可無凶歲今雖不及千頃而下湖數十里
間交葑穀木所獲不貲此西湖之不可廢者三也西湖深濶則
運河可以取足於湖水若湖水不足則必取江潮潮之所過泥
沙渾濁一石五斗不出三歲輒調兵夫十餘萬土開浚而河行
市井中蓋十餘里吏卒搔擾泥水狼籍為居民莫大之患此西

湖之不可廢者四也天下酒稅之盛未有如杭者也歲課二十
餘萬緡而水泉之用仰給於湖若湖水漸狹水不應溝則當築
入取山泉歲不下二十萬土此西湖之不可廢者五也臣以待
從出膺寵寄目覩西湖有必廢之漸有五不可廢之憂伏望
聖斷賜臣度牒若干道使得畢志半年之間目見西湖復唐之
舊環三十里陰山為岸則農民父老與羽毛鱗介同沐聖澤無
有窮已臣不勝大願

臨湖閣記

洪景廬

燭於遠者遺於近塵市之居江與山燕越如也豈地勢則然天
實置之予家番城而澹津三湖有勝矣而山不副買小圃撰樓
以為高平林四出山意如驚而澄江之境政墮滅沒蔽虧中非

霜清木落不見也。二者不得兼其難如此。吾友向臣原獨以書
來白。自吾卜居南昌。擅東湖之陽。入行湖邊。頰大明鏡。荷華十
里。炤影徹日。晨霏夕靄。開闔而靡蕩。屬玉交青。浮遊而後先。西
山橫陳。蜿蜒旁薄。空翠長煙。舒慘異狀。常若洪崖浮兵。羽挹袂
相肩。其間凡湖山賦。我以佳賞。捺我以讓觀。謂不能俯而有也。
今吾臨之。以桀閣崇而為矣者。四去一。以為從益。以為橫既
成。而日登焉。湖之所以為湖。山之所以為山。次且自失。不能嘉
趣。相與收精會神。俎豆於吾軒楹之間。東則十畝之園。池臺竹
花。輪幽呈茂。有草堂在湖隄北。其北與西折旋。皆山。淡然如脩
眉。橫遠可翫。而不可狎。物色位置。大略似輞川臨湖亭。故即而
名之。吾夷猶其上。非更不就。枕不釋也。吾因陋與世不諧。偶一

旦獨得此。吾心樂焉。願子為我記。予發書疑不信者。宋日私自
策曰。巨源詩人也。其詞夸。是其子。子來南。僅得邊一障。財為郎
丞。去之酸寒。却掃於是四年矣。未聞有朽貫腐粟。可以汰予。從
土木之事。又頗解商工。費斯閣也。度不滿百萬。不可止。巨源安
有是哉。彼特文其滑稽。餽我一笑耳。巨源詩人也。其詞夸。記未
可作。會有客從南昌來。為予笑曰。巨原再為人謾。墓鄭重答謝。
通得百萬錢。妻子睥睨咨曉。規作求田計。巨原左遮右給。如護
項。且舉以付工師。不留一錢。故其就斯閣也。勇之甚。書生定可
笑。君毋庸疑。予曰。誠然。又有說於此。有閣如是。將不得以瓦器
飲。以豆飴客。以老無齒婢佐酒。巨原其鑄黃金之栝。行白玉
之拌。喚舊命侶。異風介月。衰絲豪竹。光妓侍繞。熊蹯豹胎。飶及

童騎傾駭山川之神日夜鼓舞之於是為至敢問策安出客撫
然予曰為我謝巨原筆尚在吾足矣乾道五年月日記

古詩

岳陽樓

韓愈

洞庭九州間厥大誰與議南維群崖水北注何奔放瀦為七百
里吞納各殊狀自古澄不清環混無歸嚮火風日搜攪幽惟多
冗長軒然大波起宇宙溢而放巍峩拔萬華騰躍較健壯聲音
一何宏轟磕車萬兩猶疑帝軒轅張樂就空曠蛟螭露窟窟縞
練吹組帳鬼神非入世節奏頗跌蕩陽施見春麗陰閉咸悽愴
朝迴宜春口極地缺隄三夜纜巴陵洲叢芮纔可傍星河盡涵
泳俯仰迷下上餘瀾怒不已喧聒鳴雍雍明登岳陽樓輝煥朝

日亮飛簾戢其威清晏息纖纒泓澄湛凝綠物影巧相况江脉
時出戲驚波忽蕩養時當冬之孟隙竅縮寒漲前臨指近岸側
坐眇難望滌濯神魂清幽懷舒以暢上人童孩舊握筆乍欣悵
憐我窻逐歸相見得無恙開筵交履烏爛熳倒家釀孟行無停
留高柱送清唱中盤進橙栗投擲傾脯醬歡窮悲心生姚亦不
能志念昔始讀書志欲干霸土屠龍破千金為藝亦云亢愛才
不擇行觸事得譏謗前年出官日此禍最無妄公卿採虛名擢
拜識天仗姦猜畏彈射斥逐恣欺誑新恩趨府庭追及厠諸將
吁嗟苦驚緩但懼失宜當追思南渡時魚腹其所葬嚴程迫風
帆劈箭入高浪顛沉在涇更忠鯁誰復諒生還直可喜尅已自
懲創庶從今日後粗識得與喪事多改前好趣有獲新尚誓耕

十畝田不敢萬乘相，細君知奉織稚子，已能飽行當，其冠生
死君一訪。

彭蠡湖

王介甫

湖中小龍見龍門

茫茫彭蠡春無地，白浪春風濕天際，東西換極萬舟回，千歲老
蛟時出戲，少年輕事鎮南來，水怒如山帆正開，中流蜿蜒見春
尾，觀者膽墮予方哈，衣冠今日龍山路，廟下沽酒山前住，老矣
安能學似飛，買田欲棄江湖去。

思故山鏡湖

陸務觀

千金不須買畫圖，聽我長歌歌鏡湖，湖山奇麗說不盡，且復為
子陳吾廬，柳姑廟前魚作市，道士莊畔菱為租，一壘書橋出林

薄兩岸紅蓼連，抵蒲阪南，陂北鴉陣黑，舍東舍西楓葉赤，正當
九月十月，天放翁艇子無時出，船頭一束書，船後一壺酒，新釣
紫鰕魚，旋洗白蓮藕，從渠貴人食萬錢，放翁癡腹常便便，暮歸
稚子迎笑我，遥指一林西村煙。

律詩

過洞庭湖

杜甫

鮫室圍青草，龍堆擁白沙，護堤盤古木，迎棹舞神鴉，破浪南風
正，回橋畏日斜，湖光與天遠，直欲泛仙槎。

登岳陽樓

杜甫

昔聞洞庭水，今上岳陽樓，吳楚東南折，乾坤日夜浮，親朋無
字，老病有歸舟，我馬關山隔，憑高滄泗流。

宿青草湖

杜甫

洞庭猶在目，青草續為名。宿業依農事，郵籤報水程。寒水爭箭，薄雲月逾微。明湖鴈雙雙起，人來故北征。

渡青草湖

陰鏗

洞庭春溜滿，平湖錦帆張。源水桃花色，湘流杜若香。荒山遠，江連巫峽長。帶天澄迥碧，映日動浮光。行舟逗遠樹，度鳥息危樯。滔滔不可測，一箭詎能航。

汎宮亭湖

劉剛

迴艦承派水，舉帆逐分風。濕漭疑無際，飄颻似度空。檣鳥排鳥路，船影沒河宮。孤石滄波裏，匡山苦霧中。寄謝千金子，安知萬里蓬。

題大湖

羅處約

三萬六千頃，湖侵海內田。逢山方得地，見月始知天。南國吞將盡，東溟勢欲連。何當酒為雨，無處不豐年。

太湖

蘇子美

杳杳波濤闊，古今四無邊。際莫知深潤，通曉月為清。露氣入霜天，作損陰。笠澤魚肥人，鱸玉洞庭柑。孰客分金風，煙觸目相招。引聊為停橈，一楚吟。

衆水

水神 水惟附

屋書要語：積陰之氣為水。淮南子：水流濕，易坎為水，潤萬物者莫潤於水。說卦：水曰潤下，洪範：今夫水，一勺之多，及其不測。

龜龍魚鱉生焉中庸夫水積也不厚則負大舟也無力莊子智者樂水論語決諸東方則東流決諸西方則西流孟子觀水有術必觀其瀾孟子水能載舟亦能覆舟荀子凡水其方折者有玉其圓折者有珠清者有黃金尸子土地各以類生天清水音小濁水音大湍水人輕遲水人重淮南子水哉何取於水也孟子

水之別名水中可居者曰洲小洲曰渚小渚曰沚凡水邊皆曰垂曰涯曰畔曰干曰積曰濱涯上平坦曰溇重涯曰岸岸上地曰澗曲澗曰澳一曰隈水草交曰渚水邊土人所止曰渚水曲曰汭水北曰陽水南曰陰水出山石間曰澗音山夾水曰澗水注川曰溪水注溪曰谷水通谷曰壑石絕水曰梁築壑曰澗水曰

塘又曰堤曰防太防曰壻水所鍾曰澤廣澤曰衍澤曲曰臯澤障曰陂澤無水有草木曰藪水流通曰川深水曰潭急水曰流砂石上曰瀨亦曰湍曰灘水別流曰派大水有石曰通曰浦風吹水涌曰波亦曰浪太波曰濤小波曰淪平波曰瀾直波曰徑水朝夕而至曰潮風行水成紋曰漣水波如錦文曰漪水行曰涉逆流而上曰溯洄順流而下曰溯流亦曰沿流絕流而渡曰亂以衣涉水曰厲繇膝以下曰揭繇膝以上曰涉渡水處曰津潛行水中曰泳以上見說文釋名爾雅

古今事實

禹平滄水

當堯之時水逆行汎濫於中國蛇龍居之民無所定下者為巢

海文類聚卷之十一

上者為管窺書曰逢水者洪水也使禹治之禹掘地而注之海驅龍蛇而放之菹水由地中行江淮河漢是也

弱水沉羽

弱水既西柳子厚謂西海之山有水散渙無力不能負一羽投之委靡墊溺及底而後止

濯足濯纓

有孺子歌曰滄浪之水清兮可以濯我纓滄浪之水濁兮可以濯我足孔子曰小子聽之清斯濯纓濁斯濯足自取之也孟子

漳水染脚

漳州界有二水號為脚溪涉者足皆如墨數十里間水皆不可飲飲則病瘡行人皆載水自隨梅龍圖儀官州縣時公牒至漳

州素多病預憂瘴癘為害至為脚溪使數人有荷之以物蒙其恐為毒水所害兢惕過甚睚眦嬰鏢忽墜水中至于没頂乃出之舉體黑如真蒼自謂必死然自此宿病盡除頓覺康健無復昔之羸瘵又不知何也筆談

無支祁神 係水神

禹治水三至桐柏山獲淮渦水神名曰無支祁形猶獼猴力踰九象人不可視乃命庚辰制之是時木魅水靈山妖水怪奔號叢繞幾以千數庚辰持戟逐去遂鎖于龜山之足淮水乃安唐永泰初楚州有漁人夜釣於龜山之下其鈎為物所擊因沉水視之見大鉄鎖繞山足一獸形如青猿死若其醉涎沫腥穢不可近 古嶽瀆經

陽侯

昔陽國侯溺水因為大海之神博物志

靈胥

吳相伍胥為溝之神號曰靈胥

馮夷

中極之淵深三百仞惟水夷都焉水夷人面而乘龍穆天子傳云天子西征至于陽紆之山河伯無夷之所都蓋水夷無夷即馮夷也淮南子又作馮蓬抱朴子釋名篇曰馮夷以八月上庚日渡河溺死天帝署為河伯昔夏禹觀河見長人魚身曰吾河精豈河伯耶山海經

河伯娶婦

西門豹為鄴令鄴三老廷椽歲歛百姓錢為河伯娶婦巫行視小家女好者聘取為治新衣粉飾之如嫁女床席令女居其上浮之河中行數十里乃沒以故人家多持女遠逃俗語即不為河伯娶婦水沒溺人民云豹至其時往會豹呼河伯婦視之曰是女子不好煩大巫媼為入報河伯更求好女送之使吏卒抱大巫媼投河中有頃曰巫媼何父也弟子趨之復以弟子一人投河中凡三投弟子豹曰巫媼弟子是女子不能白事煩三老入白之復投一老河中良久豹欲復使廷椽與豪長者一人趣之皆叩頭且破額血流地豹曰河伯晉客之久皆罷去歸矣鄴吏民大驚恐自此不復敢言為河伯娶婦史記

燃犀照水

以下係水怪

晉溫嶠過牛渚磯深不可測世云下多怪物遂燃犀而照之須臾見水族覆火奇形異狀嶠於是夜夢人謂曰與君幽明道別何意相照也

蜃精水害

許真君名遜字敬之汝南人後於豫章遇一少年容儀修整自稱慎郎許君與之語知非人類指顧之間少年去君謂朝人曰適來少年乃是蛟蜃之精吾念江西累為洪水所害若非剪滅恐致逃遁蜃精知真君識之潛於龍沙洲化為黃牛真君以道眼遙觀謂弟子施太玉曰彼之精性化為黃牛我今化其身為黑牛仍以手巾掛膊將以認之汝見牛奔闕當以劍截彼真君乃化身而去俄頃見黑牛奔趨黃牛而來太玉以劍揮黃牛中

其左股因投入城西井中從此井徑歸潭州却化為人先是蜃精化為美少年以珍寶財貨數萬獲娶潭州刺史賈至女至是真君求見賈使君謂曰聞君有貴婿慎郎乃蛟蜃老魅焉敢遁形蜃精復變本形為吏所殺真君晉太康間於洪州西山舉家四十二口拔宅上昇而去唯有石函藥臼各一與真君所御錦帳復自雲中墮於故宅鄉人因即其地置遊帷觀云太平廣記

天吳

天吳人面八首八足亦曰水伯山海經

含沙

春秋莊公十八年有蜃疏謂含沙射人影○江南山谿中有射工虫長二三寸口中有弩形氣射人不治則殺人博物志

灤瀕堆賦

蘇子瞻

天下之至信者惟水而已。江河之大與海之深而可以意揣，惟其不自為形而因物以賦形，是故千變萬化而有必然之理。掀騰勃怒，萬夫不敢前兮，宛然聽命，惟人之所使。予泊舟乎瞿唐之口，而觀乎灤瀕之崔嵬，然後知其所以開峽而不去者，固存以也。蜀江遠來兮，浩漫漫之平沙，行千里而未嘗齟齬兮，其意驕逞而不可推，忽峽口之逼窄兮，納萬頃於一盃，方其未知其峽也，而戰乎灤瀕之下，喧塵震掉，盡力以與石鬪，勃乎若萬騎之西來，忽孤城之當道，鈎接臨衝，畢至於其下兮，城堅而不可

取矢盡，劍折兮，迤邐循城而東去，於是滔滔汨汨，相與入峽，安行而不敢怒，嗟夫，物固有以安而生，變兮，亦有用危而求安，得吾說而推之兮，亦足以知物理之固然。

黃樓賦

蘇子由

熙寧十年秋七月乙丑，河決於澶淵，東流入鉅野，北溢于濟南，溢于泗。八月戊戌，水及彭城，余兄子瞻適為彭城守，水未至，便民具畚鍤，蓄土石，積芻芻，完壑隙，穴以為水備，故水至而民不恐。自戊戌至九月戊辰，水及城下者二丈八尺，塞東西北門，水皆自城際，山兩晝夜不止，子瞻衣敝履屨，廬于城上，調急夫，發禁旅以從事，令民無得竊出，避水以身率之，與城存亡，故水大至而民不潰，方水之淫也，汗漫千餘里，漂廬舍，敗塚墓，老弱蔽

川而下壯者狂走無所得食槁死于丘陵林木之上子瞻使習
水者浮舟楫載糗餌以濟之得脫者無數水既涸朝廷方塞澶
淵未暇及徐子瞻曰澶淵誠塞徐則無害塞不塞天也不可使
徐人重被其患乃請增築徐城相水之衝以木堤捍之水雖復
至不能以病徐也故水既去而民益親於是即城之東門爲太
樓焉聖以黃土曰土實勝水徐人相勸成之轍方從事於宋將
登黃樓覽山川平水之遺迹乃作黃樓之賦其詞曰

子瞻與客游於黃樓之上客仰而望俯而嘆曰噫嘻殆哉在漢
元光河決瓠子騰蹙鉅野衍溢淮泗梁楚受害二十餘歲下者
爲汙澤上者爲沮洳民爲魚鼈郡縣無所天子封祀太山徜徉
東方哀民之無辜流死不藏使公卿負薪以塞官房瓠子之歌

至今傷之嗟維此邦俯仰千載河東傾而南洩蹈漢世之遺害
包原隰而爲一窺吾壙之摧敗呂梁齟齬橫絕乎其前四山連
屬合圍乎其外水洄洑而不進環孤城而爲海舞魚龍於隍壑
閱帆檣於睥睨方飄風之迅發震鞀鼓之驚駭誠蟻穴之不收
分間閭之橫潰幸冬月之既迫水泉縮以自退棲流枿於喬木
遺枯蚌於水裔聽澶淵之奏功非天意吾誰賴今我與公冠冕
裳衣設几布筵斗酒相屬飲酣樂作開口而笑夫豈偶然也哉
子瞻曰今夫安於樂者不知樂之爲樂也必涉於害者而後知
之吾嘗與子憑茲樓而四顧覽天宇之宏大繞青山以爲城引
長河而爲帶平臯衍其如席參麻蔚乎旆旆畫阡陌之縱橫分
園廬之向背放田漁於江浦散牛羊於煙際清風時起微雲霽

雲山川開闔蒼莽千里東望則連山參差眾壑皆馳群石傾奔
絕流而西百步涌波舟楫紛披魚鱉顛沛没人所嬉聲崩震雷
城堞爲危南望則戲馬之臺巨佛之峯歸乎特起下窺城中樓
觀翱翔鬼峩相重激水既平渺莽浮空駢州接浦下與淮通西
望則山斷爲缺傷心極目交熟禾秀離離蒲隰飛鴻群往白鳥
孤沒橫煙澹澹俯見落日北望則泗水憑漫古汴入焉匯爲濤
淵蛟龍所蟠古木蔽空鳥鳥號呼賈客連檣聯絡城隅送夕陽
之西盡導明月之東出金鉉湧於青嶂陰雲爲之辟易窺人窠
而直上委餘彩於沙磧激飛楹而入戶使人體寒而戰悚息洶
洶於群動聽川流之蕩滴可以起舞相命一飲千石遺棄憂患
超然自得且子獨不見夫昔之居此者乎前則項籍劉備後則

光弼建封戰馬成群猛士成林振臂長嘯風動雲興朱閣青樓
舞女歌童勢窮力竭化爲虛空山高水深草生故墟蓋將問其
遺老既已灰滅而無餘矣故吾將與子乎古人之既逝閱河決
於疇昔知變化之無常村杯酒於終日於是衆客釋然而笑頽
然就醉河傾月墮携扶而出

古詩

且發漁浦潭

丘希範

漁潭霧未開赤亭風已颺棹歌發中流鳴鞞響疊嶂村童忽相
聚野老時一望詭恠石異象巖絕峯殊狀森森荒樹齊折折寒
沙漲藤壁島易陟崖傾嶼難傍信是永幽棲豈徒暫清曠坐嘯
昔有委卧治今可尚

宣城出新林浦
江路西南來歸來東北驚天際識歸舟雲中辨江樹旅思捲搖
擺孤遊昔已屢既懷懷祿情復協滄洲趣貴塵自茲隔賞心於
此遇雖無玄豹姿終隱南山霧

謝朓

萬丈潭

杜甫

青溪合真漠神物有顯晦龍依積水盤窟壓萬丈內跼步凌琅
堦側身下煙靄前接洪濤寬却立蒼石大山危一徑盡岸絕兩
壁對削成根虛無倒影垂澹瀨黑如瀉環底清見光烟碎孤峯
倒來深飛鳥不在外高蘿成帷帳寒木疊旌旆遠川曲通流嵌
竇潛洩瀨造幽無人境發興自我輩告歸遺恨多將若斯游最
閉藏脩鱗蟄出入巨石礙何事炎天過快意風雨會

水泛

韓愈

暮宿投民村高處水半扉大雞俱上屋不復走與飛篙舟入其
家墮聞屋中啼問知歲常然哀此爲生微

長安間

范至能

斗明貯淨練懸板淙驚雷黃沙斷岸轉白屋飛簷開是間表太
許舳艫蔽川來千里擁孤隊萬馬盤一杯篙尾亂若用檣竿束
如堆摧摧勢排軋洶洶聲喧喧偪及復偪及誰肯少徘徊傳呼
津吏至敝蓋凌高埃囁嚅議譏征叫怒不可裁吾觀舟中子一
一皆可哀大爲聲利驅小者饑寒催古今共來往所得隨飛灰
我乃畸於人胡爲乎來哉

閩水歌

杜甫

嘉陵江色何所似，石黛碧玉相因依。正憐日破浪花出，更復春
從沙際歸。巴童蕩槳歌側過，水雞啼魚來去。飛閣州勝事，可腸
斷。閬州城南天下稀。

過犇牛關

楊廷秀

春雨未多河未漲，閬宮惜水如金樣。聚船久住下河灣，等待船
齊不教放。忽然三枝兩板開，驚雷一聲飛雪堆。眾船過水水不
去，船底怒濤跳出來。下河半篙水欲滿，上河兩半勢差緩。一行
二十四樓船，相隨過關如魚貫。

過雪川大溪

楊廷秀

菰蒲際天青無邊，只堪蓮蕩不堪田。中有一溪元不遠，指作三
百六十灣。政如綠錦地衣上，玉龍盤屈於其間。前船未轉後船

隔前灣，望得到，不得及。至前灣，到得時，只與後灣纔咫尺。朝來
已度數百榮，問知德清猶半程。老夫乍喜權夫悶，管有到時君
莫問。

律詩

東溪

岑參

溪水碧於草，潺潺花底流。沙平堪濯足，石淺不勝舟。洗藥朝與
暮，釣魚春復秋。興來從所適，還欲向滄洲。

西澗

韋應物

絕憐幽草澗邊行，上有黃鸝深樹鳴。春潮帶雨晚來急，野渡無
人舟自橫。

潯陽觀水

李群玉

朝宗漢水接陽臺吟呀填坑吼作雷莫見九江平穩去還從山
峽嶮巖來南經夢澤貫浮日西出岷山劣泛孟直至滄溟海貯
盡深沉不動漫昭回

題華下無桐院西溪

張子野

積水涵虛上下清幾家門靜岸痕平浮萍破處見山影小艇歸
時聞棹聲入郭僧尋塵裏去過橋人似鑑中行已憑暫雨添秋
色莫放脩蘆礙白生

風濤之險

羣書要語孔子曰水火吾見蹈而死者孟子子產曰水懦弱民
狎而玩之則多死焉左昭禁川游者周禮

古今事實

二妃墜湘

舜南巡二妃墜湘水因為湘夫人

鯀化為魚

鯀治水九載無績自沉羽淵化為玄魚號為河精拾遺記

禹思拯溺

禹思天下之溺者猶已溺之孟徵禹吾其魚乎左傳

溺死不救

澹臺滅明之子溺死於江弟子欲收而葬之明止之曰螻蟻何
親魚鱉何讎弟子曰何夫子之不慈乎對曰生為吾子死非吾
鬼遂不收葬博物志

渡湘赭山

秦始皇南遊浮江至湘山祠逢大風幾不得渡問博士湘君何神對曰堯女舜之妻而葬此始皇大怒使刑徒三千人伐湘山樹赭其山

曹娥饒娥

曹娥上虞人父盱迎江神泝溲為水溺娥年十四投江而死縣長裴尚憐而葬之命鄆邨子作碑蔡邕來觀題二黃絹色絲外孫壘曰後人為立廟饒娥父醉漁風卒起不能舟遂溺死娥聞父死走哭水上氣盡伏死明白黿魚鬣蛟浮死萬數鄉人葬娥鄆水西柳子厚作碑大笑墮水

陸士龍常着線絰上船於水中顧其影因大笑落水人救免溺

浪湧吟嘯

謝安嘗與孫綽等泛海風起浪湧諸人皆懼安吟嘯自若風轉急安徐曰如此將安歸耶舟人承言即回眾服其雅量

木人石心

賈充令夏統歌小海唱統以足扣舷引聲清激風起晝暝眾皆恐懼充令妓女盛服金翠繞其船三匝統若無聞充曰此果見木人石心也晉隱逸傳

有跛男子

唐袁天綱字客師嘗渡江叩舟而還或問故曰舟中人鼻下氣皆黑不可以濟俄有一男子跛而負就舟客師曰貴人在吾可

以濟江中風起幾覆敗男子婁師德也

酌水誓江

唐王義方坐與張亮善貶吉安丞道南海舟師持酒脯祈福義方酌水誓曰有知忠獲戾孝見无四維廓氛十里安流神之聽之無作神蓋既祭天雲開露人壯其誠

運糧失舟

劉仁軌運糧失舟李義甫使表異式勸之且欲以聞義甫言於上曰不斬仁軌無以謝百姓舍人原直心曰海風暴起非人力所及乃除名通鑑

子美漂湍

杜子美客耒陽一日過江上舟中飲醉是夕江水暴漲子美為

永湍漂定其尸不知落於何處元宗思子美詔求之霸令乃積空土於江上曰子美為白酒牛炙脹飲而死搬遺

太白捉月

李白過采石酒往入水捉月而死五侯鯖錄

龍神現夢

陳堯咨泊舟三山磯有老叟曰來日午後有大風舟行必覆宜慎之來日天晴萬里無片雲舟人請解纜公曰更待之同行舟皆離岸公託以事日午天色皎然俄黑雲起於天末大風暴至折木飛沙怒濤若山同行舟多沉溺公驚歎又見前叟曰某實非人乃江之遊樂將也以公他日當位宰相固當奉告公曰何以報德叟曰吾本不求報貴人所至龍神理當衛護願得金光

明經一部公許之至京以金光明經三部遣人詣三山磯投之
夢前叟曰本祇祈公賜以三今連升數秩再拜而去翰府名談

舟危救母

蘇丞相頌知婺州沂桐江水暴迅舟橫欲覆魏國太夫人在舟
中幾溺矣公哀號赴水救之舟忽自正太夫人甫出及岸舟乃
覆眾以為誠孝所感行狀

怡然讀書

呂惠公端使高麗遇風濤檣折舟人大恐公怡然讀書若在齋
閣時

心存誠敬

伊川貶涪州渡漢江中流船幾覆舟中之人皆號哭伊川獨正

襟安坐如常已而及岸同舟有父老問曰當船危時君獨無怖
色何也伊川曰心存誠敬耳父老曰心存誠敬固善不若無心
之川欲與之言老父徑去不顧

古今文集

雜著

責漢水辭

李善夷

春秋僖公四年齊桓公合諸侯之師盟于召陵責楚之苞茅不
入問昭王南征而不復楚子使屈完對曰責之不入寡君之罪
也敢不供給昭王南征之不復君其問諸水濱按照昭王南征至
漢舟人膠其舟王遂溺死夫山林川澤天子祀之必有其神楚
人膠其船而禍其君神不能福神之罪也余過漢見其波濤混

漢之廣兮風波四起雖有風波不如蹄涔之水蹄涔之水不為下國而傾天子漢之深兮其隄莫量不如行潦之汪行潦之汪不為下國而溺天子漢之美者曰鮐吾雖饑不食其鮐恐汚吾之饑腸

漁父

屈原

屈原既放游於江潭行吟澤畔顏色憔悴形容枯槁漁父見而問之曰子非三閭大夫與何故至於斯屈原曰舉世皆濁我獨清眾人皆醉我獨醒是以見放漁父曰聖人不疑滯於物而能與世推移世人皆濁何不混其泥而揚其波眾人皆醉何不餽其糟而歠其醪何故深思高舉自令放為屈原曰吾聞之新沐

者必彈冠新浴者必振衣安能以身之察察受物之汶汶者乎寧赴清流死於江魚之腹中安能以皓皓之白而蒙世俗之塵埃乎漁父莞爾而笑鼓枻而去歌曰滄浪之水清兮可以濯吾纓滄浪之水濁兮可以濯吾足遂去不復與言

哀溺文

柳宗元

未之氓咸善游一日水暴甚有五六氓乘小船絕湘水中濟船破皆游其一氓盡力而不能尋常其侶曰汝善游最也今何後為曰要百千錢重是以後曰何不去之不應搖其首有頃益急已濟者立岸上呼且號曰汝愚之甚蔽之甚身且死何以貨為又搖其首遂溺死吾哀之且若是得不有大貨之溺大氓者乎於是作哀溺

吾哀弱者之死貨兮。惟大氓之為憂。世濤鼓以風涌兮。浩混盪而無舟。不讓祿以辭富兮。又旁窺而詭求。手足亂而無如兮。負重踰乎崇丘。既浮順而滅簪兮。不欲釋利而離尤。呼號者之莫救兮。愈搖首以沉流。髮披鬟以舞瀾兮。魂悵悵而焉遊。龜鼈互進以爭食兮。魚鮪族而為羞。始貪贏以啗厚兮。終負禍而懷離。前既沒而後不知懲兮。更攬取而無時休。哀茲氓之蔽愚兮。及賊已而從仇。不量多以自諫兮。姑指幸者而為謀。夫人固靈於鳥魚兮。胡昧蔚而蒙鈞。大者死天兮。小者死水。善游雖最兮。卒以道天與害偕行兮。以死自繞。推今而鑒古兮。鮮克以保其生。衣寶衣紂兮。專利滅祭。豺狼死而猶餓兮。牛腹尸而不盈。民既貧貧而無知兮。故與彼咸謚為氓。死者不足哀兮。冀中人為余

再更噫

檄曲江水伯文

樊鑄

主張於地之血脉者。豈不曰水伯乎。爾自歎為身而為人。控率兩龍窟宅。百谷億有祀矣。故數論於元氣之液。弄權於坤輿之竅。迺三載二月春。服既成冠者五六人。才子六七人。皆簸揚文精。開闔武庫。游嬉春晝。浴洄江干。興飛壯心。舞曳齒胃。爾何為陰發暴殄。潛生毒痛。實禍階於沙岸。垣死府於化岳。如數子者。皆載垂堂之誠。使揭竿求父之子。投戕請弟之兄。秦楚僕傷。夫之妻。厲波濤狗媚之婦。惟其凶害。不忍荼毒。並告無辜于上下。神祇行哭。矢志於爾安乎。爾今肆行賊虐者。豈不謂性與習成乎。何哉。曩者溺孫興公於後湖之中。淪炎帝女於東海之上。死

賢於黃氏之母為魚於歷陽之郡爾應時以舊傳蔓其後圖殊
不知事不欲數數斯辱矣惡貫已滿天命誅之僕謂數子叫天
曹訴地府黜爾主職在於斯須不然僕見欲上書於承明廬徵
菑近速周處擊劍長逐壁波深搜爾儻若混空隱形和水匿象
則使牛曳蛇尾絕其本根矣僕亦宜念五六日至于旬時恐爾
有詞曰予不誠視成不令而行故矢在弦上垂而未發儻能易
轍僕則既往不咎若為刻舟爾則何辭以對徐察爾變惟審圖
之

古詩

公無渡河

李大白

黃河西來决崑崙咆哮萬里觸龍門波滔天堯咨嗟大禹理百

川兒啼不窺家殺湍湮洪水九州始桑麻其害乃去茫然風沙
被髮之叟狂而癡清晨徑流欲奚為旁人不惜妻止之公無渡
河苦渡之虎可縛河難憑公果溺死流海湄有長鯨白齒若雪
山公乎公乎掛骨於其間篋篋所悲竟不還

同前

李賀

公乎公乎提壺將馬如屈平沉湘不足慕徐衍入海誠為愚公
乎公乎牀有莞席盤有魚北里有賢兒東隣有小姐壠畝油油
黍與葫羗漚醪蟻浮浮黍可食醪可飲公乎公乎其柰居被
髮奔流竟何如賢兒小姐哭嗚嗚

題于羨墓

韓愈

按元稹作墓誌謂甫扁舟下荆楚竟以寓卒旅殯

岳陽其後遷祔偃師唐史氏乃承小說牛炙白酒
大醉一夕卒之語信哉史氏之誣也

今春偶客襄陽路悽慘去尋江上墓招手借問牧牛兒牧兒指
我祠堂處一堆空土煙蕪裏空使詩人悲歎起怨聲千古寄西
風寒骨一夜沉秋水當時處處多白酒牛炙如今家家有飲酒
食肉今如此何故常人無飽死捉月走入千尺波忠諫便沉汨
羅底固知天意有所存三賢所歸同一水過客晉詩千百人千
古醜聲竟誰洗明時好古疾惡人應以我意知終始

采石月贈郭功甫

梅聖俞

梅聖俞作采石月蓋信捉月之說按李陽冰序謂
白疾巫朶上授簡俾為集序無捉月之說豈古不

弟溺故史氏為白講耶抑小說多妄而詩老好奇

姑以發新意耶

采石月下訪謫仙夜披錦袍坐釣舡醉中愛月江底懸以手弄
月身翻然不應暴落饑蛟涎便當騎鯨上青天青山有家人謾
傳却來人間知幾年在昔孰識汾陽王納官賞死義難忘今觀
郭裔奇俊郎眉目真似工文章死生往復猶康莊樹穴探環知
姓羊

詩話

作筮篋引

筮篋引者朝鮮津卒霍里子高妻麗玉所作也高晨起刺舡而
擣有一白首狂夫被髮提壺亂河流而渡其妻隨而止之不及

遂墮河水死於是援箜篌而鼓之作公無渡河之曲聲甚悽愴
曲終自投河而死霍里子高遂以其聲語其妻麗玉麗玉傷之
乃引箜篌而寫其聲聞者莫不墮淚飲泣焉麗玉以其曲傳隣
女麗容名曰箜篌引

津上遇風

范文正淮上遇風詩云一棹危於葉傍觀欲損神他年在平地
無忽險中人雖弄翰戲語卒然而作其濟險加澤之心未嘗忘

謫官渡淮

唐子方謫官渡淮至中流風作舟欲覆作詩曰聖宋非狂楚清
淮異汨羅平生仗忠信今日任風波日暮泊舟岸下續云舟楫
顛危甚鼉鼉出沒多斜陽幸無事沽酒聽漁歌 前十七卷終

新編古今事文類聚前集卷之十八

建安 祝穆 和父 編

金陵 唐富春 子和 刊

地道部

泉

瀑布詩附見 水晶見茶門

羣書要語水本曰源源曰泉正直上出曰濫泉從上溜下曰下
泉湧出曰瀆泉側出曰泚泉泉所出同所歸異口肥泉異出
同流曰瀆泉見爾雅及詩注山下有泉象易源泉混混孟子觀
其流泉公劉地有醴泉禮運濯清泉以自潔韓文泉滄滄而始
流陶辭飲石泉芳蔭松柏楚辭噴若玉簫泄為瑤池淨如醍醐

事類彙編前集 卷之十一
瑩若琉璃 權德輿靈泉記

古今事實

不飲盜泉

孔子過於盜泉渴矣而不飲 尸子

刺山泉湧

李廣利行軍無水拔刀刺山飛泉湧出

翻車轉水

後漢張讓趙忠說靈帝鑄天祿蝦蟇吐水於平門外橋東轉水入宮又作翻車渴鳥施於橋南用灑南北郊路

飲貪泉

吳隱之性廉操為廣州刺史界上有一水謂之貪泉古老云飲此

水者廉士皆貪隱之至酌而飲之賦詩云古人言此水一唾懷千金試使夷齊飲終道不易心清操愈厲

所須清泉

唐潘師正居逍遙谷高宗召問所須對曰茂松清泉臣所願也

泉石膏肓

田游巖入太白山高宗幸其門謂曰先生此佳否答曰臣所謂泉石膏肓煙霞痼疾者

水樂

元結於山中无所耽愛者有水樂是南磻之懸水淙淙然聞於耳无便不至南磻即懸庭前之水取欹曲竇缺之石高下承之水聲少似聽之亦便

事類彙編前集

卷之十一

十一

冷泉亭記

白居易

東南山水餘杭郡為最由郡言靈隱為禿由寺觀冷泉亭為甲
 亭在山水下中央寺西南隅高不倍尋廣不累丈而撮奇得要
 地搜勝槩物無遁形春之日吾愛其草薰薰木欣欣可以導和
 納粹暢入血氣夏之夜吾愛其泉淅淅風冷冷可以蠲煩析醜
 起人心情山樹為帷巖石為屏雲從棟生水與階平坐而翫之
 者可濯足於床下卧而狎之者可垂釣於枕上矧又潺湲潔澈
 粹冷柔滑若俗士若道人眼耳之塵心舌之垢不待盥滌見輒
 除去潛利陰益可勝言哉斯所以最餘杭而甲靈隱也杭自郡

城抵四封叢山複湖易為形勝先是領郡者有相里君造虛白
 亭有韓僕射臯作候仙亭有裴茂子棠棣作觀風亭有盧給事
 元輔作見山亭及右司郎中河南元稹最後作此亭於是五亭
 相望如指之列可謂佳境殫矣能事畢矣後來者雖有敏心巧
 目無所加焉故吾繼之述而不作

卓錫泉亭

唐子西

人之精神亦何所不至哉揮戈可以退日搏膺可以墮霜悲泣
 可以頽城浩歎可以决石而况於得道者乎諸友既除表裏皆
 空一真之外無復餘物則其精神之運又何如哉吾遊羅浮至
 寶積之寺飲泉而其寺僧曰此卓錫泉也昔梁景恭禪師始居
 此山其徒以無水難之師笑而不答已而庵成師卓錫于地泉

湧數尺。自是得井。山中迨今賴之。知水者以爲甲於嶠南而自
梁以來。未有紀其事者。夫師之爲人。誠不可得而知。然吾聞世
間萬有。皆心想所生。而古之學道。未有不用定慧得者。定則深
完。慧則流通。以深完流通之精神。而致吾心想中物。如父之使
子。君之使臣。有必得之勢。其於此也。特未足多也。或曰。前世之
士。如李廣利耿恭之徒。皆功名進取之人。以成敗得喪爲心。其
精神之富。不踰常人。而喑鳴叱咤。飛泉爲之湧溢。與師無異。此
何理也。曰。一人者。皆一時貴臣。左氏所謂用物精多。至於神明
方。其由於絕域之中。感激奮發於萬死一生之時。其用意。至到
與精進一體。惟其出於一切之誠。而無定慧之素。以故得之艱
勤。非若師之願指目使。既捷而且逸也。嗟乎。事之不立也。我知

之矣。志意耗於思慮。聰明流於視聽。則精神所感。不行於父子
兄弟之間。而尚何有於物。苟能全吾之精神。則雖山石之堅。水
泉之柔。雍容談笑之間。堅者可使闢。其柔者可使激。而躍也。獨
不得於人乎。吾是以知天下之善無不可立者。

龍井泉記

秦少游

龍井舊名龍泓。吳赤烏中。方士葛洪嘗煉丹於此。事見圖經。其
西當西湖之西。浙江之北。風篁嶺之上。深山亂石之水泉也。每
歲旱禱雨於他祠。不獲則禱於此。輒應。故老相傳。以爲有龍居
之。然泉者山之精氣所發也。西湖深靚空闊。納光景而涵煙霏。
菱芙蓉花之所附麗。龜魚鳥蟲之所依憑。漫衍而不迫。結餘而
成文。陰晴之中。各有意態。而不可以言盡也。故岸湖之山。爲所

誘而不克以爲泉浙江介於吳越之間一夜一晝濤頭自海而
上者再疾擊而遠馳兕虎駭而風雨作過者摧當者壞乘高而
望之使人毛髮盡立心掉而不禁故岸江之山多爲所脅而不
暇以爲泉惟此地盤幽而踞阻內無靡麗之誘以散越其精外
無豪悍之脅以虧踈其氣故嶺之左右大率多泉龍井其尤者
也嘗有大魚自泉中躍出然後知井之有龍不謬
律詩

題山中流泉

儲光羲

山中有流水借問不知名映地爲天色飛空作雨聲轉來深澗
滿分出小池平活澹無人見年年長自清

野泉

張蠙

遠出白雲中長年聽不窮細聲繁石亂寒色入潭空挂壁聊成
雨穿林別起風溫泉非爾類源發在深宮

僧院引泉

姚合

泉眼高千丈山僧取得歸架空橫竹引鑿石透渠飛洗藥溪流
濁澆花雨力微朝昏長遠省護惜似傳衣

方山寺松泉

章孝標

石脉綻寒光松花噴曉霜注瓶雲母滑漱齒茯苓香野客偷煎
茗山僧惜淨床參禪不要問孤月在中央

石門山泉

鄭谷

一脉清冷何所之縈沙漱蘚入僧池雲邊野客窮家處石上寒
猿見落時聚沫遶殘雪在迸流穿樹墜花隨煙春雨晚閑吟

去不復遠尋星子陂

古詩 以下係瀑布

入廬山仰望瀑布

張九齡

絕頂有懸泉，喧喧出煙杪。不知幾時歲，但見無昏曉。閃閃青崖落，鮮鮮白日皎。灑流濕行雲，濺沫驚飛鳥。雷吼何噴薄，箭馳入窈窕。吾聞山下家，今乃林巒表。物性有詭激，坤元曷紛矯。默然置此去，變化誰能了。

望廬山瀑布

李大白

西登香爐峯，南見瀑布水。挂流三百丈，噴壑數千里。歛如飛電來，隱若白虹起。初驚河漢落，半在雲天裏。仰觀勢轉雄，壯哉造化功。海風吹不斷，江月照還空。空巾亂灑射，左右洗青壁。飛珠

散輕霞，流沫沸穹石。而我遊名山，對之心益閑。無論漱瓊液，且得洗塵顏。但諧宿所好，永願辭人間。

廬山瀑布

范希文

靈源何太高，北斗想可挹。凌日五光直，逗雲千仞急。白虹下澗飲，寒劍倚天立。閃電不得瞬，長雷無敢蟄。萬丈巖崖折，一道林巒濕。險逼飛鳥墜，冷洒山鬼泣。須當截海去，濁海不相入。

漱玉亭

蘇子瞻

余遊廬山，南北得十五六，奇勝殆不可勝紀。懶不作詩，獨摘其尤者，作漱玉亭三峽橋二詩云：

高巖下赤日，深谷來悲風。劈開青玉峽，飛出兩白龍。亂沫散霜雪，古潭搖青空。餘流滑無聲，快瀉雙石硿。我來不忍去，月出飛

橋東蕩蕩白銀闌。沉沉水晶宮。願從琴高生。脚踏赤鯁。公手扶
白芙蓉。跳下清冷中。

三峽橋

同上

吾聞太山石。積白穿錢溜。况此百雷霆。萬世與石鬪。深行九地
底。險出三峽右。長輪不盡溪。欲涌無底竇。跳波翻潛魚。震響落
飛沓。清寒入山骨。草木盡堅瘦。空濛煙雨間。瀕洄金石奏。彎彎
飛橋出。歛激半月鼓。玉淵神龍近。雲雨亂晴晝。垂瓶得清耳。可
嚙不可漱。

漱玉亭

朱元晦

奇哉康山陽。雙劍屹對起。上有橫飛雲。下有瀑布水。崩騰復瓊
瑩。佳巖更雄偉。勢從三梁外。影落明鏡裏。平生兩仙句。詠歎深

仰止。三年落星灣。悵望眼空眈。今朝隨杖履。得此弄清泚。更誦
玉虹篇。塵襟諒昭洗。

三峽橋

朱元晦

兩岸蒼壁對。直下成斗絕。一水從中來。蕩滴知幾折。石梁據其
會。迎望遠明滅。修至走長蛇。捷來翻素雪。聲雄萬霹靂。勢倒千
嶮巖。足掉不自持。魂驚詎堪說。老仙有妙句。千古擅奇崛。尚想
化鶴來。乘流弄明月。

律詩 廬山瀑布

陸蟾

正源人莫測。千尺掛雲端。岳色染不得。神功裁亦難。夏噴猿鳥
浴。秋射斗牛寒。流到滄溟日。翻濤更好看。

瀑布

石曼卿

飛勢挂岳頂無時向此傾玉虹垂地色銀漢落天聲萬丈寒雲濕千巖暑氣清滄浪不足羨就此濯塵纓

廬山瀑布

李大白

日照香爐生紫煙遙看瀑布掛長川飛流直下三千尺疑是銀河落九天

題名水澗

陳搏

銀河瀉落翠光冷一派回環湛晚暉幾恨却為頭右礙琉璃濕處玉花飛

朱陵洞口水簾

畢筠

洞門千尺掛飛流玉碎珠聯冷噴秋今古不知誰捲得綠蘿為帶月為鈎

東山瀑布

方于

遙夜看來宜月照平明失去被雲迷掛巖遠勢穿松塢擊石殘聲注稻畦素色噴成三伏雪餘波流作萬年溪不緣真宰能開决應向山前雜淤泥

天台瀑布

曹松

萬仞得名云瀑布遠看如織挂天台林疑竇尺難量度直恐金刀易重裁噴向林梢成夏雪傾來石上作春雷欲知便是銀河水墮落人間合却迴

僧德殊家水簾

王介甫

淙淙萬首落石巔皎皎一派當簷前清風高吹鳶鶴唳白日下照蛟龍涎浮雲裝額自能捲缺月琢鈎相與懸朱門試問幽人

價翡翠鮫綃不直錢

詩話

評宣宗詩

唐宣宗微時以武宗忌之迹為僧游方外至黃葉與黃葉禪師同觀瀑布黃葉得一聯云千巖萬壑不辭勞遠看方知出處高宣宗續之曰溪澗豈能留得住終歸大海作波濤王者氣象可見也詩史

評徐凝詩

世傳徐凝瀑布詩云瀑布瀑布千丈直雷奔入江無暫息萬古長如白練飛一條界破青山色東坡云至為塵陋又偽作樂天稱美此句有賽不得之語樂天雖涉淺易然豈至是哉乃戲作

絕句云帝遣銀河一派垂古來惟有謫仙詞飛流濺沫知多少不為徐凝洗惡詩志林

湯泉

羣書要語凡水源有石流黃其泉則溫或云神人所暖主療人疾博物志暄波炎液文選

古今事實

驪山湯泉

俗云秦始皇至驪山與神女遊而忤其肯神女唾之遂生瘡始皇怖謝神女為出湯泉而洗除後人因以為驗辛氏三秦記

建華清宮

卷之十八

九

天寶六載更溫泉曰華清宮湯治井為池環山列宮室地理志
上於華清新廣一湯制度宏麗祿山於范陽以玉魚龍鳧鴈石
梁石蓮花以戲雕鏤尤妙上大悅命陳於湯中仍似石梁橫於
其上而蓮花纔出於水際上因幸解衣將入而魚龍鳧鴈皆奮
鱗舉翼狀若飛動上因恐却之蓮花石至今在明皇雜錄

沸泉

主簿山在胡郎廟南數里山下有溫泉穴口周圍一丈許涌出
如湯沸冬夏常熱周景式廬山記漢水南有溫泉周迴數十步
冬夏常沸涌若湯其熱可熟雞子未至二十里即望見白氣衝
天梁州記

潮泉

雞籠山澗中有千數處累石若出人力水常深尺餘朝夕輒有
涌泉溢出如潮水時刻不差朔望尤大號為潮泉張僧鑒潯陽記

半冷半溫

江乘縣東南四十里泉半溫半冷共出一壑地記句容縣吳績
塘有湖水半冷半熱可以滄雞皆有魚交入輒死雜俎福州雪
峯及無為軍等處皆有之不能盡載

古今文集

雜著

游湯泉記惠州

唐子西

過水北十餘里得白水山山行一里所得佛跡院院中湧二泉
其東所謂湯泉其西雪如也二泉相去步武間而東泉熱甚殆

不可觸指以西泉解之然後調適可浴意山之出一泉專為浴者計哉或說炎州地性酷烈故山谷多湯泉或說水出硫黃地中即溫初不問南北今臨潼湯泉乃在正西而炎州餘水未必皆熱則地性之說固已失之然以硫黃置水中水不能溫則硫黃之論亦未為得吾意湯泉在天地間自為一類受性本然不必有待然後溫也凡物各求其類而水性尤耿介得其類則雖數千萬里而伏流相通非其類則橫絕徑過十字旁午而不相入故二泉之間不能容尋常而炎涼特異如此蓋亦無足怪者吹氣為寒呵氣為溫而同出於一口此其證也臨潼之水在開元天寶時最為知名恩幸寵遇震動一時然自是以來是非口語亦紛紛矣此泉出東南萬里外非山僧野叟之所遊嬉則騷

人遷客之所嘯詠而徘徊也寵辱何自而至哉為泉計者其肯以此而易彼乎

湯泉賦

秦少游

大江之濱東城之野有泉出焉直回峯負深谷分珎引源迤邐相屬晨夜有聲涵雲注玉薄為虎鬚洑為魚目鱗介莫潛遇者斯浴此何水也哉野老告余曰泓泓洎洎莫虞歲年不火而燠其名湯泉嗚呼豈非榮惑蒞於上耶燭龍隱於中耶旁通咸池日御之所經耶幽精沉魄陰償其負耶丹砂黃硫金石之氣酷得之所激耶德有常仁惠公而淡寒凝海兮不冰旱焦山兮不竭其或燥濕外干精氣散越膚革瘡瘍憊筋淫血欣澗汨之甦游恍幽憂之未脫以沐則髮澤以頰則膚悅其羨流冗浸捐棄

於溝壑者猶能灌蔬稻之畦已牛馬之賜此又何其然耶吾聞
天下之水厥類是繁至於弱水儲陰投羽必沉火井萃陽爛石
灼金祥標醴泉病飲而瘳異紀滋亢神漢以流焦溪乏首蔓之
飾沸潭謝聲取之游其餘酒墨所發膠盞是滋啜懷千金飲狂
一國衮玉乳以中涵橫金絲而徑度詭品繆名紛莫爲數感受
命於元精亦各私其所遇若夫匡廬汝水之旁尉氏驪山之下
煙霏掩辱王孫烏隼之所娛金兗椒房專寵薜蘿之所占則湯
泉之中又有顯晦者焉野老忻然而笑曰善乎齊給之士曳杖
而去行歌於塗曰鼻沸滂沱奮此泉兮被山阿吾唯灌沐兮不
知其他

書游湯泉詩後

蘇子瞻

余之所聞湯泉七其五則今三子之所游與夫虛之所賦所謂
匡廬汝水尉氏驪山其二則余之所見鳳翔之駱谷與渝州之
陳氏山居也皆葺於窮山之中山僧野人之所浴猿猱之所飲
惟驪山當往來之衝華堂玉梵獨爲勝絕然坐明皇之累爲楊
李祿山所污使口舌之士援筆唾罵以爲亡國之餘辱孰甚焉
今惠濟之泉獨爲三子者詠嘆如此豈非所寄僻遠不爲當塗
者所溷而爲高人逸才與世異趣者之所樂乎或曰明皇之累
楊李祿山之汚泉豈知惡之然則幽遠僻陋之歎亦非泉所病
也泉豈無榮辱特以人意推之可以爲抱器適用而不擇所處
者之戒

古詩

驪宮高

白居易

高高之山上有宮朱樓紫殿三四重遲遲兮春日玉甃暖兮温
泉溢嫋嫋兮秋風山蟬鳴兮宮樹紅翠華不來歲月久墻有衣
兮瓦有松吾君在位已五載何不_レ幸乎其中西去都門幾多
地吾君不來有深意一人出兮不容易六宮從兮百司備八十
一車千萬騎朝有宴飫暮有賜中人之產數百家未足充君一
日費吾君脩己人不知不自逸兮不自喜吾君愛人人不識不
傷財兮不奪力驪宮高兮高入雲君之來兮為一身君之不來
方為萬民

温泉宮

王建

十月一日天子來青繩御路無塵埃宮前肉裏湯各別每个白

玉芙蓉開朝元門向山上起城繞青山龍暖水夜開金殿看星
河宮女知更月明裏武皇得仙王母去山雞晝鳴宮中樹温泉
泱泱出宮流官使年年脩玉樓禁兵去盡無射獵日西麋鹿登
城頭梨園弟子偷曲譜頭白人間教歌舞

惠州湯泉

蘇子瞻

積水焚大槐畜油灾武庫驚燃丞相井疑浣將軍布自憐耳目
隘未測陰陽故鬱攸火山列窟沸湯泉注豈惟渴獸駭坐使癡
兒怖安能長魚鱉僅可燂狐兔山中惟木客戶外時芒屨雖無
傾城浴幸免亡國汚

廬山温泉

朱元晦

連山西南來中斷還崛起于霄幾千仞據地二百里飛峯上靈

秀泉壑下清美逮茲勢力窮猶能出奇備誰然丹黃歎嬰此玉池水客來爭解帶萬劫付一洗當年謝康樂弦絕今久矣水碧復流温相思五湖裏自注云康樂湖中詩云水碧輟流温豈未見此水耶

律詩

湯泉

王介甫

寒泉詩所詠獨此沸如蒸一氣無冬夏諸陽自廢與人遊不附火虫出亦疑水更憶驪山下歛然雪浦塍

華清宮

杜牧

或云按唐紀明皇以十月幸驪山至春即還宮是未嘗六月在驪山荔枝盛暑當孰詞意雖美而失

事實

長安回首綉成堆山頂千門次第開一騎紅塵妃子笑無人知是荔枝來

廬山湯泉

僧可遵

禪庭誰作石龍頭龍口湯泉沸不休直待衆生塵垢盡我方清冷混常流

戲作一絕

蘇子瞻

石龍有口口無根自在流泉誰吐吞若信衆生本無垢此泉何處真寒温

詩話

評黃山朱砂泉

東坡所記湯泉秦州之路谷渝州之陳氏山居秦君之所賦東
城及匡廬汝水尉氏驪山後讀君惠州遊白水山佛迹巖浴于
湯泉共有其八矣余之所見新安之黃山閩中之劍浦亦有其
二矣第湯泉多作硫黃氣浴之則襲人肌膚惟驪山是鑿石泉
李賀詩云華清源中鑿石湯徘徊百鳳隨君王黃山是朱砂泉
圖經黃山舊名黥山東峯下有朱砂湯泉新可點茗春時即色
微紅昔人題詩云三十六峯高倚天瑤臺金闕貯神仙嵩陽居
與黃山比猶少靈砂一道泉蓋為是也名溪漁隱

陂渠

羣書要語匠人為溝洫九夫為井井間廣四尺深四尺謂之溝

方十里為成成間廣八尺深八尺謂之洫注主通利田間之水
道冬官彼澤之陂有蒲與荷詩汪汪如千頃陂黃憲傳

古今事實

復鴻隙陂

汝南有鴻隙陂郡以為饒霍方進為丞相以數溢為營奏罷之
王莽時枯旱郡中追怨乃作童謠曰壞陂誰霍子威飯我豆食
羨芋魁言不生稻梁惟生豆芋反乎覆陂寔復誰言者兩黃鵠
託神告之也後鄧晨為汝南守欲修復霍方進所壞鴻隙陂
許陽曉水署為都水掾陽因高下形勢起塘四百里數年乃成

白公渠

白公穿渠民得其饒歌曰田於何所池陽谷口鄭國在前白公

起後壑捕成雲決渠爲甬涇水一右其泥數斗且漑且糞長我禾黍衣食京師億萬之口

白水陂

鄧艾於楚州開白水陂灌田又築塘四十九所

芍陂

楚相孫叔敖作期思陂灌寧婁之野號芍陂

召伯堞

謝安至新城築堞於城北後人追思之名爲召伯堞

築錢塘陂

白居易爲杭州刺史始築堤捍錢塘湖鍾泄其水溉田千頃

折磴

李栖筠傳關中仰鄭白一渠溉田而豪戚壅上游取磴利且下所爲農田十七栖筠請皆毀撤

築捍海隄

范文正公爲泰州西溪鹽官嘗築捍海隄

擅塞陂塘

程明道攝上元邑盛夏塘堤大決法當言之府府真於漕然後計工調役非月餘不能興作先生曰如是苗槁矣民將何食救民獲罪所不辭也遂發民塞之歲則大熟

古今文集

古詩

羨陂行

杜甫

岑參兄弟皆好音，我遠來遊漢陂。天地黓慘忽異色，波濤萬
頃堆琉璃。琉璃漫汗泛舟入，事殊與極憂。思集鼉作鯨吞，不復
知惡風白浪何。嗟及主人錦帆相爲開，舟子喜其無氛埃。鳥鷺
散亂棹歌發，絲管啁啾空翠來。沉竿續蔓深莫測，菱葉荷花靜
如拭。宛在中流漸解清，下歸無極終南黑。半陂已南純浸山，動
影曩窅冲融間。舡舷暝戾雲際寺，水向月出藍田關。此時驪龍
亦吐珠，馮夷擊鼓群龍趨。湘妃漢女出歌舞，金支樂上衆飾翠
旗光有無。咫尺但愁雷雨至，蒼茫不曉神靈意。少壯幾時奈老
何，向來哀樂何其多。

漢書田延年傳延年嘗與弟
李林共計謀中丞獲曰一乘馬田而憂漢書上卷延年傳延年



